


# Համախմբված ֆինանսական հաշվետվություններ և Անկախ աուդիտորի եզրակացություն

Պիկսարտ ՍՊԸ

31 դեկտեմբերի 2022թ.



# Բովանդակություն

|                                                                                          |    |
|------------------------------------------------------------------------------------------|----|
| Անկախ աուդիտորի եզրակացություն                                                           | 3  |
| Ֆինանսական վիճակի մասին համախմբված հաշվետվություն                                        | 6  |
| Շահույթի կամ վնասի և այլ համապարփակ ֆինանսական արդյունքի մասին համախմբված հաշվետվություն | 8  |
| Սեփական կապիտալում փոփոխությունների մասին համախմբված հաշվետվություն                      | 9  |
| Դրամական միջոցների հոսքերի մասին համախմբված հաշվետվություն                               | 10 |
| Համախմբված ֆինանսական հաշվետվություններին կից ծանոթագրություններ                         | 11 |

## Անկախ աուդիտորի եզրակացություն

Գրանթ Թորնթոն ՓԲԸ

Երևան Պլազա բիզնես կենտրոն

ՀՀ, ք. Երևան 0015

Գրիգոր Լուսավորչի 9

Հ. + 374 10 50 09 64/61

Grant Thornton CJSC

Yerevan Plaza Business Center

9 Grigor Lusavorich Street,

Yerevan 0015, Republic of Armenia

T + 374 10 50 09 64/61

Պիկսարտ ՍՊԸ-ի մասնակցին

### Կարծիք

Մենք աուդիտի ենք ենթարկել Պիկսարտ ՍՊԸ-ի (Մայր ընկերություն) և նրա դուստր ընկերության (միասին՝ Խումբ) համախմբված ֆինանսական հաշվետվությունները, որոնք ներառում են 2022թ. դեկտեմբերի 31-ի դրությամբ ֆինանսական վիճակի մասին համախմբված հաշվետվությունը, ինչպես նաև այդ ամսաթվին ավարտված տարվա շահույթի կամ վնասի և այլ համապարփակ ֆինանսական արդյունքի մասին համախմբված հաշվետվությունը, սեփական կապիտալում փոփոխությունների մասին համախմբված հաշվետվությունը և դրամական միջոցների հոսքերի մասին համախմբված հաշվետվությունը, ինչպես նաև համախմբված ֆինանսական հաշվետվություններին կից ծանոթագրությունները, ներառյալ հաշվապահական հաշվառման քաղաքականության նշանակալի մասերի վերաբերյալ համառոտագիրը:

Մեր կարծիքով՝ կից համախմբված ֆինանսական հաշվետվությունները տալիս են Խմբի՝ 2022թ. դեկտեմբերի 31-ի դրությամբ համախմբված ֆինանսական վիճակի և նույն ամսաթվին ավարտված տարվա համախմբված ֆինանսական արդյունքների ու համախմբված դրամական հոսքերի ճշմարիտ և իրական պատկերը՝ համաձայն ֆինանսական հաշվետվությունների միջազգային ստանդարտների (ՖՀՄՍ-ներ):

### Կարծիքի հիմք

Մենք աուդիտն անցկացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պատասխանատվությունը համախմբված ֆինանսական հաշվետվությունների աուդիտի համար» բաժնում: Մենք անկախ ենք Խմբից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակված «Պրոֆեսիոնալ հաշվապահի էթիկայի կանոնագրքի» (ՀԷՄՍԽ կանոնագիրք) և էթիկայի համապատասխան պահանջների, որոնք կիրառելի են ֆինանսական հաշվետվությունների մեր աուդիտի նկատմամբ Հայաստանի Հանրապետությունում, և կատարել ենք էթիկայի գծով մեր այլ պարտականությունները՝ էթիկայի նշված պահանջների համաձայն: Մենք համոզված ենք, որ մեր կողմից ձեռք բերված աուդիտորական ապացույցները բավարար և համապատասխան հիմք են հանդիսանում մեր կարծիքն արտահայտելու համար:



*Ղեկավարության և կառավարման օղակներում գտնվող անձանց  
պատասխանատվությունը համախմբված ֆինանսական հաշվետվությունների համար*

Ղեկավարությունը պատասխանատու է ՖՀՄՄ-ների համաձայն համախմբված ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ [համախմբված] ֆինանսական հաշվետվությունների պատրաստումն ապահովելու համար:

Համախմբված ֆինանսական հաշվետվությունները պատրաստելիս ղեկավարությունը պատասխանատու է խմբի՝ անընդհատ գործելու կարողությունը գնահատելու համար, համապատասխան դեպքերում անընդհատության հետ կապված հարցերը բացահայտելու և խմբի գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել խումբը, ընդհատել դրա գործունեությունը կամ, երբ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձիք պատասխանատու են խմբի ֆինանսական հաշվետվողականության գործընթացի վերահսկման համար:

*Աուդիտորի պատասխանատվությունը համախմբված ֆինանսական  
հաշվետվությունների աուդիտի համար*

Մեր նպատակն է ձեռք բերել ողջամիտ հավաստիացում առ այն, որ համախմբված ֆինանսական հաշվետվությունները բոլոր էական առումներով զերծ են էական խեղաթյուրումներից՝ անկախ դրանց՝ խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումներ, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած կազմեն օգտագործողների՝ այդ համախմբված ֆինանսական հաշվետվությունների հիման վրա կայացվող տնտեսական որոշումների վրա:

Որպես ԱՄՄ-ներին համապատասխան աուդիտի մաս, աուդիտի ողջ ընթացքում մենք կիրառում ենք մասնագիտական դատողություն և պահպանում ենք մասնագիտական կասկածամտություն: Ի լրումն՝

- Որոշակիացնում և գնահատում ենք խարդախության կամ սխալի հետևանքով համախմբված ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար ու համապատասխան հիմք են հանդիսանում մեր կարծիքի համար: Խարդախության պատճառով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության չարաշահում:

- Ձեռք ենք բերում պատկերացում աուդիտին վերաբերող ներքին հսկողության մասին՝ տվյալ հանգամանքներին համապատասխան աուդիտորական ընթացակարգեր նախագծելու, այլ ոչ թե Խմբի ներքին հսկողության արդյունավետության վերաբերյալ կարծիք արտահայտելու համար:
- Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և համապատասխան բացահայտումների ողջամտությունը:
- Եզրահանգումներ ենք կատարում ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ և, հիմնվելով ձեռք բերված աուդիտորական ապացույցների վրա, գնահատում ենք՝ արդյոք առկա է դեպքերի կամ հանգամանքների հետ կապված էական անորոշություն, որը կարող է նշանակալի կասկած հարուցել Խմբի անընդհատ գործելու կարողության վերաբերյալ: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել համախմբված ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա դեպքերը կամ իրավիճակները կարող են ստիպել Խմբին դադարեցնել անընդհատության հիմունքի կիրառումը:
- Գնահատում ենք համախմբված ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ բացահայտումները, ինչպես նաև համախմբված ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:
- Ձեռք ենք բերում բավարար համապատասխան աուդիտորական ապացույցներ Խմբի ներսում գործող կազմակերպությունների կամ ձեռնարկատիրական գործառնությունների ֆինանսական տեղեկատվության վերաբերյալ՝ համախմբված ֆինանսական հաշվետվությունների վերաբերյալ կարծիք արտահայտելու նպատակով: Մենք պատասխանատու ենք Խմբի աուդիտի ուղղորդման, ղեկավարման և իրականացման համար: Մենք ամբողջովին պատասխանատու ենք մեր աուդիտորական կարծիքի համար:

Կառավարման օղակներում գտնվող անձանց, ի թիվս այլ հարցերի, հաղորդակցում ենք աուդիտորական առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ ներքին հսկողությանը վերաբերող նշանակալի թերությունների մասին:

Արմեն Հովհաննիսյան  
Տնօրեն

30 հունիսի 2023թ.

Էմիլ Վասիլյան, FCCA  
Առաջադրանքի պատասխանատու





## Ֆինանսական վիճակի մասին համախմբված հաշվետվություն

| Հազար դրամ                            |        | 2022թ.<br>դեկտեմբերի<br>31-ի<br>դրությամբ | 2021թ.<br>դեկտեմբերի<br>31-ի<br>դրությամբ |
|---------------------------------------|--------|-------------------------------------------|-------------------------------------------|
|                                       | Ծանոթ. |                                           |                                           |
| Ակտիվներ                              |        |                                           |                                           |
| <i>Ոչ ընթացիկ ակտիվներ</i>            |        |                                           |                                           |
| Գուդվիլ                               | 22     | -                                         | 22,441                                    |
| Հիմնական միջոցներ                     | 4      | 2,225,553                                 | 2,361,981                                 |
| Այլ ոչ նյութական ակտիվներ             |        | 55,605                                    | 80,282                                    |
| Հետաձգված հարկային ակտիվներ           | 5      | 348,267                                   | 283,979                                   |
| Ոչ ընթացիկ կանխավճարներ               |        | -                                         | 174,145                                   |
|                                       |        | 2,629,425                                 | 2,922,828                                 |
| <i>Ընթացիկ ակտիվներ</i>               |        |                                           |                                           |
| Պաշարներ                              |        | 22,686                                    | 25,435                                    |
| Առևտրային և այլ դեբիտորական պարտքեր   | 6      | 4,558,559                                 | 2,270,563                                 |
| Հարկային գծով այլ դեբիտորական պարտքեր |        | 287,654                                   | 186,168                                   |
| Տրված կանխավճարներ                    |        | 115,548                                   | 107,401                                   |
| Այլ ընթացիկ ակտիվներ                  |        | 72,979                                    | 52,541                                    |
| Ավանդներ բանկերում                    | 7      | 346,235                                   | 404,476                                   |
| Մնացորդներ բանկերում                  | 8      | 292,484                                   | 514,634                                   |
|                                       |        | 5,696,145                                 | 3,561,218                                 |
| Ընդամենը ակտիվներ                     |        | 8,325,570                                 | 6,484,046                                 |

# Ֆինանսական վիճակի մասին համախմբված հաշվետվություն (շարունակություն)

Հազար դրամ

|                                                  |        | 2022թ.<br>դեկտեմբերի<br>31-ի<br>դրությամբ | 2021թ.<br>դեկտեմբերի<br>31-ի<br>դրությամբ |
|--------------------------------------------------|--------|-------------------------------------------|-------------------------------------------|
|                                                  | Ծանոթ. |                                           |                                           |
| Սեփական կապիտալ և<br>պարտավորություններ          |        |                                           |                                           |
| Կապիտալ և պահուստներ                             | 9      |                                           |                                           |
| Բաժնետիրական կապիտալ                             |        | 18                                        | 18                                        |
| Էմիսիոն եկամուտ                                  |        | 64,396                                    | 64,396                                    |
| Լրացուցիչ վճարված կապիտալ                        |        | 2,148,155                                 | 1,351,585                                 |
| Կուտակված շահույթ                                |        | 1,355,117                                 | 1,018,132                                 |
|                                                  |        | 3,567,686                                 | 2,434,131                                 |
| Ոչ ընթացիկ պարտավորություններ                    |        |                                           |                                           |
| Վարձակալության գծով պարտավորություն              | 10     | 864,448                                   | 1,291,424                                 |
|                                                  |        | 864,448                                   | 1,291,424                                 |
| Ընթացիկ պարտավորություններ                       |        |                                           |                                           |
| Առևտրային և այլ կրեդիտորական<br>պարտքեր          | 11     | 1,875,200                                 | 1,773,695                                 |
| Փոխառություններ կապակցված կողմերից               | 12     | 1,205,468                                 | 10,700                                    |
| Այլ հարկերի գծով պարտավորություններ              |        | 327,273                                   | 345,641                                   |
| Վարձակալության գծով պարտավորություն              | 10     | 399,858                                   | 439,866                                   |
| Ընթացիկ շահութահարկի գծով<br>պարտավորություն     |        | 71,756                                    | 188,132                                   |
| Այլ պարտավորություններ                           |        | 13,881                                    | 457                                       |
|                                                  |        | 3,893,436                                 | 2,758,491                                 |
| Ընդամենը սեփական կապիտալ և<br>պարտավորություններ |        | 8,325,570                                 | 6,484,046                                 |

Համախմբված ֆինանսական հաշվետվությունները հաստատվել են 2023թ. հունիսի 30-ին:

Գուրգեն Պետրոսյան  
Տնօրեն

Հասմիկ Ղուկասյան  
Ֆինանսական տնօրեն

Ֆինանսական վիճակի մասին համախմբված հաշվետվությունը պետք է ընթերցվի այս  
համախմբված ֆինանսական հաշվետվությունների բաղկացուցիչ մասը կազմող 11-ից մինչև  
39-րդ էջերում ներկայացված կից ծանոթագրությունների հետ մեկտեղ:

# Շահույթի կամ վնասի և այլ համապարփակ ֆինանսական արդյունքի մասին համախմբված հաշվետվություն

| Հազար դրամ                                     |        | 2022թ.<br>դեկտեմբերի<br>31-ին<br>ավարտված<br>տարի | 2021թ.<br>դեկտեմբերի<br>31-ին<br>ավարտված<br>տարի |
|------------------------------------------------|--------|---------------------------------------------------|---------------------------------------------------|
|                                                | Ծանոթ. |                                                   |                                                   |
| Հասույթ հաճախորդների հետ պայմանագրերից         | 13     | 20,337,951                                        | 16,449,406                                        |
| Այլ գործառնական եկամուտ                        |        | 1,034                                             | 3,168                                             |
| Աշխատավարձ և այլ հատուցումներ աշխատակիցներին   | 14     | (15,739,517)                                      | (11,618,994)                                      |
| Հետազոտման և մշակման ծախսեր                    |        | (2,109,045)                                       | (2,160,543)                                       |
| Մաշվածություն և ամորտիզացիա                    |        | (1,017,793)                                       | (1,143,435)                                       |
| Վարձակալական ծախսեր                            |        | (44,328)                                          | (8,771)                                           |
| Վարչական և այլ գործառնական ծախսեր              | 15     | (676,775)                                         | (921,413)                                         |
| Գործառնական շահույթ                            |        | 751,527                                           | 599,418                                           |
| Տոկոսային եկամուտ                              |        | 13,081                                            | 15,214                                            |
| Տոկոսային ծախս                                 |        | (147,637)                                         | (185,928)                                         |
| Փոխարժեքային տարբերությունից զուտ (վնաս)/օգուտ |        | (12,559)                                          | (74,205)                                          |
| Շահույթ մինչև հարկերը                          |        | 604,412                                           | 354,499                                           |
| Շահութահարկի գծով ծախս                         | 16     | (267,427)                                         | (253,365)                                         |
| Տարվա շահույթ                                  |        | 336,985                                           | 101,134                                           |
| Ընդամենը տարվա համապարփակ ֆինանսական արդյունք  |        | 336,985                                           | 101,134                                           |

Շահույթի կամ վնասի և այլ համապարփակ ֆինանսական արդյունքի մասին համախմբված հաշվետվությունը պետք է ընթերցվի այս համախմբված ֆինանսական հաշվետվությունների բաղկացուցիչ մասը կազմող 11-ից մինչև 39-րդ էջերում ներկայացված կից ծանոթագրությունների հետ մեկտեղ:



# Սեփական կապիտալում փոփոխությունների մասին համախմբված հաշվետվություն

| Հազար դրամ                                             | Բաժնե-<br>տիրական<br>կապիտալ | Էմիսիոն<br>եկամուտ | Լրացուցիչ<br>վճարված<br>կապիտալ | Կուտակ-<br>ված<br>շահույթ | Ընդամենը  |
|--------------------------------------------------------|------------------------------|--------------------|---------------------------------|---------------------------|-----------|
| 2021թ. հունվարի 1-ի<br>դրությամբ (աուդիտ<br>չարված)    | 18                           | 64,396             | 664,905                         | 916,998                   | 1,646,317 |
| Տարվա շահույթ                                          | -                            | -                  | -                               | 101,134                   | 101,134   |
| Ընդամենը տարվա<br>համապարփակ<br>ֆինանսական<br>արդյունք | -                            | -                  | -                               | 101,134                   | 101,134   |
| Բաժնետոմսերի վրա<br>հիմնված վճարումներ                 | -                            | -                  | 686,680                         | -                         | 686,680   |
| 2021թ. դեկտեմբերի 31-ի<br>դրությամբ                    | 18                           | 64,396             | 1,351,585                       | 1,018,132                 | 2,434,131 |
| Տարվա շահույթ                                          | -                            | -                  | -                               | 336,985                   | 336,985   |
| Ընդամենը տարվա<br>համապարփակ<br>ֆինանսական<br>արդյունք | -                            | -                  | -                               | 336,985                   | 336,985   |
| Բաժնետոմսերի վրա<br>հիմնված վճարումներ                 | -                            | -                  | 796,570                         | -                         | 796,570   |
| 2022թ. դեկտեմբերի 31-ի<br>դրությամբ                    | 18                           | 64,396             | 2,148,155                       | 1,355,117                 | 3,567,686 |

Սեփական կապիտալում փոփոխությունների մասին համախմբված հաշվետվությունը պետք է  
ընթերցվի այս համախմբված ֆինանսական հաշվետվությունների բաղկացուցիչ մասը կազմող  
11-ից մինչև 39-րդ էջերում ներկայացված կից ծանոթագրությունների հետ մեկտեղ:

# Դրամական միջոցների հոսքերի մասին համախմբված հաշվետվություն

|                                                                                            |        | 2022թ.<br>դեկտեմբերի<br>31-ին<br>ավարտված<br>տարի | 2021թ.<br>դեկտեմբերի<br>31-ին<br>ավարտված<br>տարի |
|--------------------------------------------------------------------------------------------|--------|---------------------------------------------------|---------------------------------------------------|
|                                                                                            | Ծանոթ. |                                                   |                                                   |
| Գործառնական գործունեությունից դրամական<br>միջոցների հոսքեր                                 |        |                                                   |                                                   |
| Դրամական մուտքեր հաճախորդներից                                                             |        | 18,029,437                                        | 15,361,370                                        |
| Դուստր ձեռնարկությունից փոխանցված կանխիկ<br>գումար                                         |        | -                                                 | 1,551                                             |
| Վճարումներ մատակարարներին                                                                  |        | (9,851,630)                                       | (6,193,197)                                       |
| Վճարումներ աշխատակիցներին                                                                  |        | (8,741,641)                                       | (7,433,590)                                       |
| Ստացված տոկոսներ                                                                           |        | 13,081                                            | 15,214                                            |
| Վճարված շահութահարկ                                                                        |        | (383,803)                                         | (468,921)                                         |
| Գործառնական գործունեությունից ստացված զուտ<br>դրամական միջոցների հոսքեր                    |        | (934,556)                                         | 1,282,427                                         |
| Ներդրումային գործունեությունից դրամական<br>միջոցների հոսքեր                                |        |                                                   |                                                   |
| Ավանդներ բանկերում                                                                         |        | 58,242                                            | -                                                 |
| Հիմնական միջոցների ձեռքբերում                                                              |        | (684,631)                                         | (1,189,365)                                       |
| Ներդրումային գործունեության համար օգտագործված<br>զուտ դրամական միջոցների հոսքեր            |        | (626,389)                                         | (1,189,365)                                       |
| Դրամական միջոցների հոսքեր ֆինանսավորման<br>գործունեությունից                               |        |                                                   |                                                   |
| Տրամադրված փոխառություններ                                                                 |        | (8,950)                                           | -                                                 |
| Փոխառություններ կապակցված կողմերից                                                         | 12     | 1,437,315                                         | -                                                 |
| Զուտ կանխիկ դրամական միջոցներ ֆինանսավորման<br>գործունեությունից                           |        | 1,428,365                                         | -                                                 |
| Դրամական միջոցների և դրանց համարժեքների զուտ<br>աճ                                         |        | (132,580)                                         | 93,062                                            |
| Դրամական միջոցներ և դրանց համարժեքներ տարվա<br>սկզբում                                     |        | 514,634                                           | 491,283                                           |
| Փոխարժեքային փոփոխությունների ազդեցությունը<br>դրամական միջոցների և դրանց համարժեքների վրա |        | (89,570)                                          | (69,711)                                          |
| Դրամական միջոցներ և դրանց համարժեքներ տարվա<br>վերջում                                     | 8      | 292,484                                           | 514,634                                           |

Դրամական միջոցների հոսքերի մասին համախմբված հաշվետվությունը պետք է ընթերցվի այս համախմբված  
ֆինանսական հաշվետվությունների բաղկացուցիչ մասը կազմող 11-ից մինչև 39-րդ էջերում ներկայացված կից  
ծանոթագրությունների հետ մեկտեղ:



# Համախմբված ֆինանսական հաշվետվություններին կից ծանոթագրություններ

## 1 Գործառնությունների բնույթը և ընդհանուր տեղեկատվություն

Պիկասարտ ՍՊԸ-ն (Մայր ընկերություն) հիմնադրվել է 2014թ. դեկտեմբերին՝ Օփեն Սոֆթ Բոնասալթ սահմանափակ պատասխանատվությամբ ընկերության վերակազմավորման արդյունքում:

Մայր ընկերության գրանցման հասցեն է Հալաբյան 16, Երևան 0038, Հայաստանի Հանրապետություն: Մայր ընկերության հիմնական գործունեությունը հետազոտման և մշակման ծառայությունների մատուցումն է: Ծառայություններն արտահանվում են ԱՄՆ: Մայր ընկերության միակ հաճախորդը Պիկասարտ Ինք.-ն է, որը Մայր ընկերության սեփականատերն է (վերջնական վերահսկող մայր ընկերություն):

Մայր ընկերությունն ամբողջությամբ պատկանում է Պիկասարտ Ինք.-ին (ընկերություն, որը ստեղծվել է ԱՄՆ Դելավեր նահանգի օրենսդրության հիման վրա, և որի գործունեության վայրն է Լենոքս պողոտա 429, Մայամի 33139, Միացյալ Նահանգներ):

2021թ. հունիսի 30-ին Մայր ընկերությունը ձեռք է բերել Քոդ Բիֆաբլիք ՍՊԸ-ի 100% բաժնետոմսերը:

### *Գործարար միջավայր*

Հայաստանում իրականացվող քաղաքական և տնտեսական փոփոխությունները, ինչպես նաև իրավական, հարկային և օրենսդրական համակարգերի զարգացումը շարունակական բնույթ են կրում: Հայաստանի տնտեսության կայունությունը և զարգացումը մեծապես կախված է այս փոփոխություններից: Կառավարությունը հաստատել է արդյունավետ կառավարման իր հանձնառությունը, որը ենթադրում է հակակոռուպցիոն ջանքեր, թափանցիկություն և հաշվետվողականություն:

Իրավիճակն Հայաստանի Հանրապետությունում էլ ավելի է սրվել Ադրբեյջանի Հանրապետության կողմից սանձազերծված պատերազմի արդյունքում: Չնայած կնքված զինադադարի համաձայնագրին՝ դեռևս անորոշ են պատերազմի հետևանքները Հայաստանի տնտեսության վրա թե կարճաժամկետ, և թե երկարաժամկետ առումներով:

2022թ. փետրվարի 24-ին Ուկրաինայում բռնկված հակամարտությունն արագությամբ ծավալվում է՝ զգալի ազդեցություն թողնելով աշխարհի վրա: ԱՄՆ-ն և եվրոպական երկրները կոշտ պատժամիջոցներ են կիրառել Ռուսաստանի Դաշնության դեմ: Արևմտյան երկրները քննարկում են գոյություն ունեցող պատժամիջոցների ընդլայնումը: Ռուսաստանի Դաշնությունը Հայաստանի Հանրապետության էական առևտրատնտեսական գործընկերն է, ուստի սույն ֆինանսական հաշվետվությունների ամսաթվի դրությամբ կիրառվող պատժամիջոցները, ինչպես նաև դրանց ընդարձակումը լուրջ ազդեցություն են ունեցել Հայաստանի Հանրապետության ֆինանսական շուկաների և ամբողջ տնտեսության վրա: Համաշխարհային մակարդակով ավելի խոր պատժամիջոցներ կիրառելը հանգեցնել են բարձր գնաճի, ֆինանսական շուկաների աճի տեմպի նվազման և որոշակի խաթարման:

Ուկրաինայում բռնկված հակամարտությունը պատճառ դարձավ, որ հազարավոր ռուսներ և ուկրաինացիներ տեղափոխվեն Հայաստանի Հանրապետություն: Սա վերաբերում է ոչ միայն



անհատներին, այլ նաև ձեռնարկություններին, որոնք հիմնադրվել և իրենց գործունեությունը ծավալել են այդ երկրներում: Դա հանգեցրեց հայկական շուկա արտադրության ներհոսքի ավելացմանը, ինչի հետևանքով հայկական դրամը զգալի արժևորվեց ԱՄՆ դոլարի և եվրոյի նկատմամբ:

Այս իրադարձությունը զգալի ազդեցություն ունեցավ այն կազմակերպությունների վրա, որոնք ներգրավված էին ապրանքների և ծառայությունների արտահանման, ներառյալ տեղեկատվական և հաղորդակցական տեխնոլոգիաների (S2S) ոլորտում: Հայաստանի կառավարությունը որոշակի միջոցառումներ է ձեռնարկել՝ մեղմելու S2S ոլորտի սուբյեկտների կրած վնասները: Այդ միջոցառումները ներառում էին եկամտահարկի վերադարձը նման կազմակերպություններին:

Ղեկավարությունը չի ակնկալում, որ ԱՄՆ դոլարի և եվրոյի նկատմամբ հայկական դրամի հետագա արժևորում կլինի: Այնուամենայնիվ, Ուկրաինայում շարունակվող հակամարտությունը կարող է հանգեցնել Հայաստան դեռևս ավելի մեծ արտադրության ներհոսքի, ինչը կարող է բացասական ազդեցություն ունենալ Խմբի ֆինանսական կայունության վրա: Այս ֆինանսական հաշվետվությունները չեն ներառում վերը նշվածի հնարավոր ազդեցությունը:

Վերոնշյալ իրադարձությունները կարող են հետագայում էական ազդեցություն ունենալ Խմբի ապագա գործունեության և ֆինանսական կայունության վրա, որոնց ամբողջական հետևանքները դժվար է կանխատեսել ներկա պահին: Ապագա տնտեսական և քաղաքական իրավիճակը և վերջիններիս ազդեցությունը Խմբի գործունեության վրա կարող են տարբերվել Խմբի ղեկավարության ներկա սպասումներից:

Խմբի ղեկավարությունը գտնում է, որ իր ընթացիկ իրացվելիության վիճակը բավարար է կայուն գործունեության համար: Խումբը պարբերաբար վերանայում է իր իրացվելիության մակարդակը և, անհրաժեշտության դեպքում, պատրաստ է կիրառել իրացվելիության աջակցության համապատասխան գործիքակազմ:

Տվյալ ֆինանսական հաշվետվությունները չեն արտացոլում վերը նկարագրվածի հնարավոր ապագա ազդեցությունը Խմբի գործունեության վրա:

## 2 Պատրաստման հիմքերը

### 2.1 Համապատասխանություն

Համախմբված ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՄ) համաձայն, ինչպես հրապարակվել է Հաշվապահական հաշվառման միջազգային ստանդարտների խորհրդի (ՀՀՄՄԽ) կողմից: Հաշվետվությունները պատրաստվել են՝ հիմնվելով այն գնահատման վրա, որ Խումբն իր գործունեությունն իրականացնում է անընդհատության սկզբունքից ելնելով:

### 2.2 Չափման հիմքեր

Համախմբված ֆինանսական հաշվետվությունները պատրաստվել են հաշվեգրման սկզբունքով և սկզբնական արժեքի մեթոդով՝ բացառությամբ որոշ ֆինանսական գործիքների: Վարձակալության գծով պարտավորությունները ներկայացված են ապագա դրամական հոսքերի ներկա գեղչված արժեքով: Այլ ֆինանսական ակտիվները և պարտավորությունները հաշվառվում են ամորտիզացված արժեքով:



## 2.3 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ), որն էլ հանդիսանում է Խմբի գործառնական արժույթը, քանի որ այն լավագույնս արտացոլում է համախմբված ֆինանսական հաշվետվությունների հիմքում ընկած իրադարձությունների և Խմբի գործարքների տնտեսական բովանդակությունը:

Սույն համախմբված ֆինանսական հաշվետվությունները ներկայացված են հայկական դրամով, քանի որ, դեկլարության համոզմամբ, այս արժույթն առավել օգտակար է Խմբի ֆինանսական հաշվետվություններն օգտագործողների համար: Դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

## 2.4 Գնահատումների և դատողությունների կիրառում

ՖՀՄՄ-ին համապատասխան համախմբված ֆինանսական հաշվետվությունների պատրաստումը պահանջում է, որպեսզի Խմբի դեկլարությունը կարևոր գնահատումներ և ենթադրություններ կատարի, որոնք ազդեցություն են գործում համախմբված ֆինանսական հաշվետվությունների ամսաթվի դրությամբ ակտիվների և պարտավորությունների գումարների, ինչպես նաև հաշվետու տարվա եկամուտների և ծախսերի գումարների վրա:

Մասնավորապես, Ընկերությունը առանձնացրել է առավել մեծ դատողություններ, գնահատումներ և ենթադրություններ պահանջող մի շարք ոլորտներ: Այս ոլորտներից յուրաքանչյուրի վերաբերյալ լրացուցիչ տեղեկատվությունը և ինչպես են դրանք ազդում հաշվապահական հաշվառման տարբեր քաղաքականությունների վրա, նկարագրված են համապատասխան հաշվապահական հաշվառման քաղաքականության ծանոթագրության հետ՝ համապատասխան որակական և քանակական ծանոթագրության շրջանակներում, ինչպես նկարագրված է ստորև: Դրանք ներառում են.

### Դատողություններ

- Բաժնետոմսերի վրա հիմնված վճարումներ, ծանոթագրություն 17;
- Հետաձգված հարկային ակտիվների փոխհատուցում, ծանոթագրություն 5.

## 2.5 Նոր և վերանայված ստանդարտների ընդունում

Ընթացիկ տարում Խումբն ընդունել է իր գործունեության համար կիրառելի և 2022թ. հունվարի 1-ից սկսվող ժամանակաշրջանների համար ուժի մեջ մտած բոլոր նոր և վերանայված ստանդարտները և մեկնաբանությունները, որոնք հրապարակվել են Հաշվապահական հաշվառման միջազգային ստանդարտների խորհրդի (ՀՀՄՄԽ) և ՀՀՄՄԽ-ի Մեկնաբանման կոմիտեի (ՄԿ) կողմից:

Նշված փոփոխությունների բնույթը և ազդեցությունը բացահայտված են ստորև:

Նոր և վերանայված ստանդարտներ և մեկնաբանություններ, որոնք կիրառելի են 2022թ. հունվարի 1-ից և դրանից հետո սկսվող տարեկան ժամանակաշրջանների համար

Ներքոհիշյալ նոր ստանդարտներն ու փոփոխությունները, որոնք առաջին անգամ կիրառվել են 2022թ., որն է եական ազդեցություն չեն ունեցել Խմբի համախմբված ֆինանսական հաշվետվությունների վրա:

| Ստանդարտ | Ստանդարտի կամ մեկնաբանության անունը                              |
|----------|------------------------------------------------------------------|
| ՀՀՄՄ 3   | Հղումներ հայեցակարգային հիմունքներին (ՀՀՄՄ 3 փոփոխություններ)    |
| ՀՀՄՄ 16  | Մուտքեր նախքան նախատեսված օգտագործումը (ՀՀՄՄ 16 փոփոխություններ) |



ՀՀՄՍ 1, ՀՀՄՍ 9,  
ՀՀՄՍ 41, ՀՀՄՍ 16

2018-20201թ. ՀՀՄՍ-ների տարեկան բարեփոխումներ (ՀՀՄՍ 1, ՀՀՄՍ 9, ՀՀՄՍ 41, ՀՀՄՍ 16 փոփոխություններ)

Ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք դեռևս չեն գործում և նախօրոք չեն ներդրվել Խմբի կողմից

Այս համախմբված ֆինանսական հաշվետվությունների հաստատման ամսաթվի դրությամբ Հաշվապահական հաշվառման միջազգային ստանդարտների խորհրդի (ՀՀՄՍԽ) կողմից թողարկվել են որոշակի նոր ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք սակայն դեռևս չեն գործում և նախօրոք չեն ներդրվել Խմբի կողմից:

Ղեկավարությունը կանխատեսում է, որ բոլոր կիրառելի հրապարակումները կներդրվեն Խմբի հաշվապահական հաշվառման քաղաքականությունում սկսած հրապարակման ուժի մեջ մտնելու ամսաթվին հաջորդող առաջին իսկ ժամանակաշրջանից:

Ղեկավարության կանխատեսմամբ այս փոփոխությունները էական ազդեցություն չեն ունենա Խմբի համախմբված ֆինանսական հաշվետվությունների վրա և ներկայացված են ստորև.

| Ստանդարտ | Ստանդարտի կամ մեկնաբանության անունը                                                                                                          | Տվյալ ամսաթվին կամ դրանից հետո սկսվող հաշվետու ժամանակաշրջանների համար կիրառելի |
|----------|----------------------------------------------------------------------------------------------------------------------------------------------|---------------------------------------------------------------------------------|
| ՀՀՄՍ 17  | Փոփոխություններ Ապահովագրական պայմանագրերում ՀՀՄՍ 17, ներառյալ ՀՀՄՍ 9-ի կիրառումից ժամանակավոր ազատման երկարաձգումը (ՀՀՄՍ 4 փոփոխություններ) | 1 հունվարի 2023թ.                                                               |
| ՀՀՄՍ 12  | Մեկ գործարքից առաջացող ակտիվներին և պարտավորություններին վերաբերող հետաձգված հարկ (ՀՀՄՍ 12 փոփոխություններ)                                  | 1 հունվարի 2023թ.                                                               |
| ՀՀՄՍ 1   | Պարտավորությունների դասակարգումը որպես ընթացիկ կամ ոչ ընթացիկ (ՀՀՄՍ 1 փոփոխություն)                                                          | 1 հունվարի 2024թ.                                                               |
| ՀՀՄՍ 8   | Հաշվապահական հաշվառման գնահատումների սահմանում (ՀՀՄՍ 8 փոփոխություն)                                                                         | 1 հունվարի 2023թ.                                                               |
| ՀՀՄՍ 1   | Հաշվապահական հաշվառման քաղաքականության բացահայտում (ՀՀՄՍ 1 և Գործնական կիրառություն 2)                                                       | 1 հունվարի 2023թ.                                                               |
| ՀՀՄՍ 1   | Պարտավորությունների դասակարգումը որպես ընթացիկ կամ ոչ ընթացիկ (ՀՀՄՍ 1 փոփոխություն)                                                          | 1 հունվարի 2024թ.                                                               |



|         |                                                                                                                   |                   |
|---------|-------------------------------------------------------------------------------------------------------------------|-------------------|
| ՀՀՄՄ 16 | Վարձակալության պարտավորություն<br>Վաճառքի և հետադարձ վարձակալության<br>գործարքի ժամանակ (ՀՀՄՄ 16<br>փոփոխություն) | 1 հունվարի 2024թ. |
| ՀՀՄՄ 1  | Ոչ-ընթացիկ պարտավորություններ<br>պայմանագրերի հետ<br>(ՀՀՄՄ 1 փոփոխություն)                                        | 1 հունվարի 2024թ. |

## 2.6 Դուստր ընկերություններ

Համախմբված ֆինանսական հաշվետվություններում ներառված է հետևյալ դուստր ընկերությունը.

| 31 դեկտեմբերի<br>2022թ. | Մասնա-<br>բաժին<br>% | Գրանցման<br>երկիր | Գրանցման<br>ամսաթիվ | Գործու-<br>նեության ոլորտ                                  | Ձեռք-<br>բերման<br>ամսաթիվ |
|-------------------------|----------------------|-------------------|---------------------|------------------------------------------------------------|----------------------------|
| Դուստր<br>ընկերություն  |                      |                   |                     | SS ոլորտում<br>վերապատ-<br>րաստման<br>ծառայու-<br>թյուններ |                            |
| Քոդ Բիֆաբլիք<br>ՄՊԸ     | 100                  | Հայաստան          | Օգոստոս<br>2020թ.   |                                                            | Սեպտեմբեր<br>2021թ.        |

## 3 Հաշվապահական հաշվառման քաղաքականություն

### 3.1 Համախմբման հիմքերը

Խմբի համախմբված ֆինանսական հաշվետվությունները համախմբում են մայր ընկերության և իր դուստր ընկերության՝ 2022թ. դեկտեմբերի 31-ի դրությամբ ֆինանսական հաշվետվությունները: Դուստր ընկերության հաշվետու ամսաթիվը դեկտեմբերի 31-ն է:

Համախմբման ժամանակ Խմբի ընկերությունների միջև բոլոր գործարքները և մնացորդները բացառվում են, ներառյալ Խմբի ընկերությունների միջև գործարքների արդյունքում չվաստակած օգուտները և չկրած վնասները: Երբ ակտիվի ներխմաբային վաճառքից առաջացող չկրած վնասը համախմբման ժամանակ հակադարձվում է, հիմքում ընկած ակտիվը նաև ենթարկվում է արժեզրկվածության գծով ստուգման՝ Խմբի տեսանկյունից:

Տարվա ընթացքում ձեռք բերած կամ օտարած դուստր ընկերությունների շահույթը կամ վնասը և այլ համապարփակ արդյունքը ճանաչվում են ձեռքբերման ամսաթվից կամ մինչև օտարման ամսաթիվը, որը կիրառելի է:

Խումբը դուստր ընկերությունների ընդհանուր համախառն եկամուտը կամ վնասը բաշխում է մայր ընկերության սեփականատերերի և չվերահսկող բաժնեմասերի միջև առաջնորդվելով սեփականության համապատասխան բաժնեմասով:

### 3.2 Բիզնեսի միավորումներ

Բիզնես միավորումների հաշվառման ժամանակ Խումբը կիրառում է գնման մեթոդը: Դուստր ընկերության նկատմամբ վերահսկողություն ձեռք բերելու համար փոխանցված հատուցումը հաշվառվում է որպես փոխանցված ակտիվների, առաջացած պարտավորությունների և Խմբի թողարկված սեփական կապիտալի բաժնեմասերի՝ ձեռքբերման ամսաթվի դրությամբ իրական արժեքների հանրագումար, որը ներառում է պայմանական հատուցման



համաձայնությունից առաջացող ցանկացած ակտիվի կամ պարտավորության իրական արժեքը: Ձեռք բերման ծախսերը ծախսագրվում են տեղի ունենալուն զուգընթաց:

Ձեռք բերված ակտիվները և ստանձնած պարտավորությունները սովորաբար չափվում են ձեռքբերման ամսաթվի դրությամբ իրենց իրական արժեքով:

### 3.3 Արտարժույթ

Համախմբված Ֆինանսական հաշվետվություններ պատրաստելիս Խմբի համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի (ՀՀ ԿԲ) կողմից հրապարակված փոխարժեքով: Ցուրաքանչյուր հաշվետու ամսաթվի դրությամբ արտարժույթով դրամային հոդվածները վերահաշվարկվում են՝ կիրառելով հաշվետու ամսաթվի դրությամբ ՀՀ ԿԲ-ի կողմից հրապարակված փոխարժեքը. 2022թ. դեկտեմբերի 31-ի դրությամբ 1 ԱՄՆ դոլարը կազմում էր 393.57 ՀՀ դրամ, 1 եվրոն՝ 420.06 ՀՀ դրամ (2021թ. դեկտեմբերի 31-ի դրությամբ 1 ԱՄՆ դոլարը կազմում էր 480.14 ՀՀ դրամ, 1 եվրոն՝ 542.61 ՀՀ դրամ):

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի շահույթում կամ վնասում:

### 3.4 Հիմնական միջոցներ

Հիմնական միջոցների հոդվածները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները:

Սկզբնական արժեքը ներառում է ձեռքբերման գինը, ներկրման տուրքերը, հարկերը, որոնք ենթակա չեն վերադարձման, և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Կառուցման ընթացքում գտնվող հիմնական միջոցները, որոնք պահվում են վարձակալության տալու կամ վարչական, կամ դեռևս անորոշ նպատակով, հաշվառվում են սկզբնական արժեքով՝ հանած արժեզրկումից կորուստները: Սկզբնական արժեքը ներառում է ուղղակիորեն վերագրելի ծախսումները, տեղանքի նախապատրաստման, տեղակայման ծախսումները, մասնագիտական վճարները, իսկ որակավորվող ակտիվի դեպքում՝ նաև կապիտալացման ենթակա փոխառության ծախսումները՝ համաձայն Խմբի հաշվապահական հաշվառման քաղաքականության: Վարձակալված տարածքները նույնպես ընդգրկվում են հիմնական միջոցներում, եթե դրանք ստացվել են ֆինանսական վարձակալությամբ: Նման ակտիվների մաշվածությունը հաշվարկվում է ակտիվի ակնկալվող օգտակար ծառայության ընթացքում (որը որոշվում է՝ համեմատելով սեփական համանման ակտիվների հետ) կամ վարձակալության ժամկետի ընթացքում, եթե վերջինս ավելի կարճ է:

Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից հասույթի և ակտիվի հաշվեկշռային արժեքի տարբերությամբ և ճանաչվում է շահույթում կամ վնասում:

Հիմնական միջոցի՝ որպես առանձին ակտիվ հաշվառվող միավորի բաղկացուցչի փոխարինման ծախսումները կապիտալացվում են դուրս գրված բաղկացուցչի հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացնում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և



վերանորոգման ծախսումները, ճանաչվում են շահույթում կամ վնասում՝ կատարվելու ժամանակաշրջանում:

Մաշվածությունը ճանաչվում է շահույթում կամ վնասում՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում:  
Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար: Հիմնական միջոցների գնահատված օգտակար ծառայության ժամկետները ներկայացված են ստորև.

|                                             |            |
|---------------------------------------------|------------|
| Վարձակալված տարածքների բարելավում           | - 20 տարի  |
| Շենքեր                                      | - 20 տարի  |
| Օգտագործման իրավունքի ձևով ակտիվներ         | - 4.5 տարի |
| Համակարգիչներ և հաղորդակցման սարքավորումներ | - 1 տարի   |
| Տնտեսական գույք և այլ                       | - 8 տարի:  |

Քանի որ հողի համար հնարավոր չէ որոշել վերջավոր օգտակար ծառայության ժամկետ, համապատասխան հաշվեկշռային արժեքը չի ամորտիզացվում:

### 3.5 Գուղվիլ և այլ ոչ նյութական ակտիվներ

Ոչ նյութական ակտիվները սկզբնապես ճանաչվում են սկզբնական արժեքով: Ոչ նյութական ակտիվները, որոնք ձեռք են բերվել խմբի կողմից և ունեն օգտակար ծառայության որոշակի ժամկետ, ներկայացված են սկզբնական արժեքով՝ հանած կուտակված ամորտիզացիան և արժեզրկումից կորուստները:

Ամորտիզացիան ճանաչվում է շահույթում կամ վնասում կամ ավելացվում է այլ ակտիվի սկզբնական արժեքին՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում, որը կազմում է 5-10 տարի երկու հաշվապահական ծրագրերի համար և 3-5 տարի՝ արտոնագրերի և լիցենզիաների համար:

Ձեռքբերման արդյունքում առաջացող գուղվիլը ձեռքբերման արժեքն է՝ հանած գնված կազմակերպության ճանաչելի ակտիվների և պարտավորությունների իրական արժեքի հանրագումարը: Գուղվիլը չի ամորտիզացվում, փոխարենը այն յուրաքանչյուր տարի ենթարկվում է արժեզրկման ստուգման:

### 3.6 Վարձակալված ակտիվներ

#### *Խումբը որպես վարձակալ*

Խումբը գնահատում է, թե արդյոք պայմանագիրը վարձակալական է, կամ պարունակում է վարձակալություն պայմանագրի գործողության սկզբում: Այսինքն, վարձակալության պայմանագիրն իրավունք է տալիս որոշակի ժամանակահատվածում վերահսկելու որոշակիացված ակտիվի օգտագործումը:

Բոլոր վարձակալությունների համար Խումբը կիրառում է ճանաչման և չափման միասնական մոտեցում, բացառությամբ կարճաժամկետ վարձակալությունների և փոքրարժեք ակտիվների վարձակալությունների: Խումբը ճանաչում է վարձակալության գծով պարտավորությունները՝ վարձավճարներ կատարելու համար և օգտագործման իրավունքի ձևով ակտիվները, որոնք ներկայացնում են հիմքում ընկած ակտիվների օգտագործման իրավունքը:



### *Օգտագործման իրավունքի ձևով ակտիվներ*

Խումբը ճանաչում է օգտագործման իրավունքի ձևով ակտիվները վարձակալության մեկնարկի ամսաթվի դրությամբ (այսինքն՝ հիմքում ընկած ակտիվի օգտագործման համար հասանելի լինելու ամսաթվին): Օգտագործման իրավունքի ձևով ակտիվները չափվում են սկզբնական արժեքով՝ հանած կուտակված մաշվածությունը և արժեզրկումից կորուստները, և ճշգրտվում են վարձակալության գծով պարտավորությունների ցանկացած վերաչափման համար: Օգտագործման իրավունքի ձևով ակտիվների արժեքը ներառում է ճանաչված վարձակալության գծով պարտավորությունների գումարը, սկզբնական ուղղակի ծախսերը և վարձավճարները, որոնք կատարվել են մեկնարկի ամսաթվի դրությամբ կամ դրանից առաջ՝ հանած ստացված խրախուսումներ: Օգտագործման իրավունքի ձևով ակտիվները մաշվում են գծային հիմունքով՝ վարձակալության ժամկետից ավելի կարճ և ակտիվների գնահատված օգտակար ծառայության ժամկետի ընթացքում:

Եթե վարձակալված ակտիվի սեփականությունը փոխանցվում է Խմբին վարձակալության ժամկետի վերջում կամ արժեքը արտացոլում է գնման օպցիոնի իրականացումը, մաշվածությունը հաշվարկվում է՝ օգտագործելով ակտիվի գնահատված օգտակար ծառայության ժամկետը: Օգտագործման իրավունքի ձևով ակտիվները նույնպես ենթակա են արժեզրկման:

### *Վարձակալության գծով պարտավորություններ*

Վարձակալության մեկնարկի ամսաթվի դրությամբ Խումբը ճանաչում է վարձակալության գծով պարտավորությունները, որոնք չափվում են վարձավճարների ներկա արժեքով, որոնք պետք է կատարվեն վարձակալության ժամկետի ընթացքում: Վարձավճարները պարունակում են հաստատուն վճարումներ (ներառյալ ըստ էության հաստատուն վճարումները)՝ հանած վարձակալության ստացման ենթակա վարձակալության խթանները, փոփոխական վարձակալության վճարները, որոնք կախված են ինդեքսից կամ դրույքից, և գումարներ, որոնք, ինչպես սպասվում է կվճարվեն մնացորդային արժեքի երաշխիքի ներքո: Վարձավճարները ներառում են նաև գնման օպցիոնի իրականացման գինը, որոնց, Խմբի կողմից իրագործման վերաբերյալ կա խելամիտ համոզմունք, և վարձակալության դադարեցման համար տույժերի վճարումները, եթե վարձակալության ժամկետը արտացոլում է Խմբի օպցիոնի կիրառման դադարումը:

Փոփոխական վարձակավճարները, որոնք կախված չեն ինդեքսից կամ դրույքից, ճանաչվում են որպես ծախսեր (բացառությամբ այն դեպքերի, երբ դրանք չեն կատարվում պաշարներ ստեղծելու համար) այն ժամանակաշրջանում, երբ տեղի է ունենում վճարումը հարուցող իրադարձությունը կամ պայմանը:

Վարձավճարների ներկա արժեքը հաշվարկելիս Խումբը օգտագործում է փոխառության իր աճող տոկոսադրույքը վարձակալության մեկնարկի ամսաթվի դրությամբ, քանի որ վարձակալության մեջ նշված տոկոսադրույքը հեշտությամբ որոշելի չէ: Մեկնարկի ամսաթվից հետո վարձակալության գծով պարտավորությունների գումարն ավելանում է՝ արտացոլելու տոկոսների կուտակումը և նվազեցվում է կատարված վարձավճարների համար: Ի լրումն, վարձակալության գծով պարտավորությունների հաշվեկշռային արժեքը վերաչափվում է, եթե տեղի է ունենում վարձակալության ժամկետի, վարձավճարների փոփոխություն (օրինակ՝ ապագա վճարումների փոփոխությունները, որոնք առաջանում են ինդեքսի կամ դրույքի փոփոխության արդյունքում, որն օգտագործվում է վարձավճարները սահմանելու համար) կամ հիմքում ընկած ակտիվի գնման օպցիոնի գնահատման փոփոխություն:

### *Կարճաժամկետ վարձակալություն և փոքրարժեք ակտիվների վարձակալություն*

Խումբը կիրառում է կարճաժամկետ վարձակալության ճանաչման բացառությունը իր կարճաժամկետ վարձակալությունների նկատմամբ (այսինքն՝ այն վարձակալությունները,



որոնք ունեն 12 ամիս կամ պակաս վարձակալության ժամկետ՝ սկսած մեկնարկի օրվանից և չունեն գնման տարբերակ): Այն նաև կիրառում է փոքրարժեք ակտիվների վարձակալության ճանաչման բացառությունը գրասենյակային սարքավորումների վարձակալության համար, որոնք ունեն ցածր արժեք: Կարճաժամկետ վարձակալության և փոքրարժեք ակտիվների վարձավճարները վարձակալության ժամկետի ընթացքում ճանաչվում են որպես ծախս գծային հիմունքներով:

### 3.7 Պաշարներ

Պաշարներն այն ակտիվներն են, որոնք պահվում են սովորական գործունեության ընթացքում վաճառքի համար, կամ հումքի, կամ նյութի ձևով՝ արտադրանքի թողարկման կամ ծառայությունների մատուցման ընթացքում օգտագործելու համար: Պահեստամասերը, վթարային սարքավորումները և օժանդակ սարքավորումները նույնպես ճանաչվում են որպես պաշար, եթե դրանք չեն համապատասխանում հիմնական միջոցների սահմանմանը:

Պաշարները հաշվառվում են ինքնարժեքից և իրացման գուտ արժեքից նվազագույնով: Իրացման գուտ արժեքը սովորական գործունեության ընթացքում վաճառքի ձևավորվող գինն է՝ հանած համալրման և վաճառքը կազմակերպելու համար անհրաժեշտ ծախսումները: Պաշարների ինքնարժեքը հաշվարկվում է՝ օգտագործելով առաջին մուտք՝ առաջին ելք (ԱՄԱԵ) մեթոդը, և ներառում է պաշարների ձեռքբերման, ինչպես նաև դրանք իրենց ներկայիս վիճակին և գտնվելու վայր հասցնելու ծախսերը:

### 3.8 Ֆինանսական գործիքներ

#### *Սկզբնական ճանաչում և չափում*

Ֆինանսական ակտիվները դասակարգվում են սկզբնական ճանաչման ժամանակ և հետագայում չափվում են ամորտիզացված արժեքով, իրական արժեքով՝ այլ համապարփակ արդյունքի միջոցով կամ իրական արժեքով՝ շահույթի կամ վնասի միջոցով:

Սկզբնական ճանաչման ժամանակ ֆինանսական ակտիվների դասակարգումը, որոնք պարտքային գործիքներ են, կախված է ֆինանսական ակտիվի պայմանագրային դրամական հոսքերի հատկանիշներից և Խմբի բիզնես մոդելից՝ դրանք կառավարելու համար: Բացառությամբ առևտրային դեբիտորական պարտքերի, որոնք չեն պարունակում էական ֆինանսավորման բաղադրիչ կամ որոնց համար Խումբը կիրառել է գործնական մոտեցումներ, Խումբը սկզբնապես չափում է ֆինանսական ակտիվը իր իրական արժեքով գումարած, այն դեպքում, երբ ֆինանսական ակտիվը ոչ իրական արժեքով է, շահույթ կամ վնաս, գործարքի ծախսեր: Առևտրային դեբիտորական պարտքերը, որոնք չեն պարունակում էական ֆինանսական բաղադրիչ, կամ որոնց համար Խումբը կիրառել է գործնական մոտեցումներ մեկ տարի կամ պակաս մարման ժամկետ ունեցող պայմանագրերի համար, չափվում են ՖՀՄՄ 15-ով սահմանված գործարքի գնով:

#### *Ամորտիզացված արժեքով չափվող ֆինանսական ակտիվներ*

Ֆինանսական ակտիվները հաշվառվում են ամորտիզացված արժեքով, եթե ակտիվները բավարարում են հետևյալ պայմաններին (և չեն դասակարգված որպես իրական արժեքով չափվող՝ շահույթի կամ վնասի միջոցով)։

- դրանք պահվում են այն բիզնես մոդելի շրջանակներում, որի նպատակն է պահել ֆինանսական ակտիվները և հավաքագրել դրանց հետ կապված պայմանագրային դրամական հոսքերը,
- ֆինանսական ակտիվների պայմանագրային պայմաններն առաջացնում են դրամական հոսքեր, որոնք հանդիսանում են միայն մայր գումարի և չմարված մայր գումարի վրա հաշվարկված տոկոսների վճարումներ:



Սկզբնական ճանաչումից հետո այս ակտիվները չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Այն դեպքերում, երբ գեղջման ազդեցությունը աննշան է, գեղջում չի կատարվում: Ֆինանսական գործիքների այս կատեգորիայում են դասակարգվում Խմբի դրամական միջոցները և դրանց համարժեքները, առևտրային դեբիտորական պարտքերը և այլ դեբիտորական պարտքերի մեծամասնությունը:

Ֆինանսական ակտիվների կառավարման Խմբի բիզնես մոդելը վերաբերում է նրան, թե ինչպես է նա կառավարում իր ֆինանսական ակտիվները՝ դրամական միջոցների հոսքեր առաջացնելու համար: Բիզնես մոդելը որոշում է, թե արդյոք դրամական միջոցների հոսքերը կառաջանան պայմանագրային դրամական միջոցների հոսքերի հավաքագրման, ֆինանսական ակտիվների վաճառքից կամ երկուսը միասին:

Ֆինանսական ակտիվների գնումները կամ վաճառքը, որոնք պահանջում են ակտիվների առաքում շուկայում կանոնակարգով կամ պայմանագրով սահմանված ժամկետում (կանոնավոր առևտուր), ճանաչվում են առևտրի ամսաթվի դրությամբ, այսինքն՝ այն ամսաթվին, երբ Խումբը պարտավորվում է գնել կամ վաճառել ակտիվը:

#### *Ֆինանսական ակտիվների հետագա չափումը*

Հետագա չափման նպատակով ֆինանսական ակտիվները դասակարգվում են չորս կատեգորիաների.

- Ամորտիզացված արժեքով ֆինանսական ակտիվներ (պարտքային գործիքներ),
- Ֆինանսական ակտիվներ իրական արժեքով այլ համապարփակ արդյունքի միջոցով՝ կուտակային օգուտների և վնասների վերամշակմամբ (պարտքային գործիքներ),
- Ֆինանսական ակտիվներ, որոնք նախատեսված են իրական արժեքով այլ համապարփակ արդյունքի միջոցով, առանց ապաճանաչման արդյունքում կուտակված օգուտների և վնասների վերամշակման (բաժնային գործիքներ),
- Շահույթի կամ վնասի միջոցով իրական արժեքով չափվող ֆինանսական ակտիվներ:

#### *Ֆինանսական ակտիվների արժեզրկում*

Ակնկալվող պարտքային կորուստները ճանաչելու համար ՖՀՄՍ 9-ում արժեզրկմանը ներկայացված պահանջներում օգտագործվում է ապագային առնչվող տեղեկատվություն՝ «Ակնկալվող պարտքային կորուստների մոդելը»: ՖՀՄՍ 9-ի պահանջների շրջանակներում ընդգրկվող գործիքները ներառում են տրված վարկերը և փոխառային տիպի այլ ֆինանսական ակտիվները, որոնք չափվում են ամորտիզացված արժեքով և իրական արժեքով՝ այլ համապարփակ արդյունքում, առևտրային դեբիտորական պարտքերը, պայմանագրային ակտիվները որոնք ճանաչվել և չափվել են ՖՀՄՍ 15-ի համաձայն և վարկային պարտավորությունները և որոշ ֆինանսական երաշխավորության պայմանագրերը (թողարկողի համար), որոնք չեն չափվում իրական արժեքով՝ շահույթում կամ վնասում:

Պարտքային կորուստների ճանաչումը այլևս կախված չէ Խմբի՝ պարտքային կորուստը բնորոշող իրադարձության սկզբնական բացահայտումից: Փոխարենը, պարտքային ռիսկը գնահատելիս և ակնկալվող պարտքային կորուստները չափելիս Խումբը դիտարկում է տեղեկատվության ավելի ընդլայնված զանգված՝ ներառյալ անցյալ իրադարձությունները, ընթացիկ պայմանները, խելամիտ և հիմնավորված կանխատեսումները, որոնք ազդեցություն ունեն գործիքի ապագա դրամական հոսքերի ակնկալվող հավաքագրելիության վրա:

Առաջընթաց գնահատման մոտեցումը կիրառելիս առանձնացվում են հետևյալները.



- ֆինանսական գործիքներ, որոնց պարտքային որակները սկզբնական ճանաչումից հետո էականորեն չեն վատթարացել կամ ունեն ցածր պարտքային ռիսկ («Փուլ 1») և
- ֆինանսական գործիքներ, որոնց պարտքային որակները սկզբնական ճանաչումից հետո էականորեն վատթարացել են և որոնց պարտքային ռիսկը ցածր չէ («Փուլ 2»):

«Փուլ 3»-ը ընդգրկում է այն ֆինանսական ակտիվները, որոնց մասով հաշվետու ամսաթվի դրությամբ առկա են արժեզրկման օբյեկտիվ ապացույցներ:

Առաջին դասի ակտիվների համար ճանաչվում են «12-ամսյա ակնկալվող պարտքային կորուստները», մինչդեռ «գործողության ամբողջ ժամանակահատվածի ընթացքում ակնկալվող պարտքային կորուստները» ճանաչվում են երկրորդ դասի ակտիվների համար: Ակնկալվող պարտքային կորուստների չափումը որոշվում է ֆինանսական գործիքի ակնկալվող գործողության ժամկետի պարտքային կորուստների հավանականության միջին կշռված գնահատումով:

#### *Ֆինանսական պարտավորությունների դասակարգումը և չափումը*

Խմբի ֆինանսական պարտավորությունները ներառում են փոխառությունները, առևտրային և այլ կրեդիտորական պարտքերը և ֆինանսական վարձակալության գծով պարտավորությունները: Խմբի ֆինանսական պարտավորությունները, ըստ կատեգորիաների, ներկայացված են ծանոթագրություն 18-ում:

#### *Փոխառություններ*

Փոխառությունները սկզբնապես ճանաչվում են իրական արժեքով՝ առանց գործարքային ծախսերի: Իրական արժեքի և նոմինալ արժեքի տարբերությունը ճանաչվում է շահույթում կամ վնասում, բացառությամբ այն դեպքերի, երբ փոխառությունը ստացվել է սեփականատերերից: Այս դեպքում իրական և նոմինալ արժեքների միջև տարբերությունը ճանաչվում է սեփական կապիտալում որպես լրացուցիչ կապիտալ: Սկզբնական ճանաչումից հետո փոխառությունները չափվում են ամորտիզացված արժեքով, իսկ այս արժեքի և մարման արժեքի միջև տարբերությունը փոխառության ժամկետի ընթացքում ճանաչվում է շահույթում կամ վնասում՝ արդյունավետ տոկոսադրույքի մեթոդով: Տոկոսավճարները և փոխառությունների հետ կապված այլ ծախսերը ծախսագրվում են կատարմանը զուգահեռ՝ որպես ֆինանսական ծախսերի մի մաս, բացի որակավորվող ակտիվի ձեռքբերմանը, կառուցմանը կամ արտադրությանն ուղղակիորեն վերագրվող փոխառության ծախսումներից, որոնք կապիտալացվում են որպես այդ ակտիվի արժեքի մաս:

#### *Առևտրային և այլ կրեդիտորական պարտքեր*

Առևտրային և այլ կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով:

#### *Վարձակալության գծով պարտավորություններ*

Մեկնարկի ամսաթվի դրությամբ Խումբը չափում է վարձակալության գծով պարտավորությունը տվյալ ամսաթվի չվճարված վարձակավճարների ներկա արժեքով՝ օգտագործելով վարձակալության մեջ նշված տոկոսադրույքը, եթե այդ դրույքը մատչելի է կամ Հիմնադրամի փոխառության աճող տոկոսադրույքը:

### 3.9 Դրամական միջոցներ և դրանց համարժեքներ

Դրամական միջոցներ և դրանց համարժեքները ներառում են բանկային հաշիվների մնացորդները և դրամական միջոցները: Դրամական միջոցների համարժեքները, որոնք կարճաժամկետ են, բարձր իրացվելի ներդրումներն են, որոնք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը



նշանակալի չէ: Դրամական միջոցների համարժեքները պահվում են կարճաժամկետ դրամական պարտավորությունները բավարարելու նպատակով, այլ ոչ թե ներդրման կամ այլ նպատակներով: Հիմնադրամը դասակարգում է ներդրումները որպես դրամական միջոցների համարժեքներ այն դեպքում, եթե դրանք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ:

### 3.10 Սեփական կապիտալ

Սովորական բաժնետոմսերը դասակարգվում են որպես սեփական կապիտալ: Սովորական բաժնետոմսերի և բաժնետոմսերի օպցիոնների թողարկմանն ուղղակիորեն վերագրվող լրացուցիչ ծախսերը ճանաչվում են որպես սեփական կապիտալից նվազեցում՝ առանց որևէ հարկային ազդեցությունների:

Զբաղիված շահույթը (*կամ կուտակված շահույթ/(վնաս)*) ներառում է ընթացիկ և նախորդ ժամանակաշրջանների չբաղիված շահույթը:

Լրացուցիչ վճարված կապիտալը ներառում է բաժնետոմսերի վրա հիմնված վճարումների պահուստ:

### 3.11 Բաժնետոմսերի վրա հիմնված վճարումներ

Մայր ընկերության աշխատակիցները (ներառյալ ղեկավարները) վարձատրություն են ստանում բաժնետոմսերի վրա հիմնված վճարումների տեսքով, որոնց միջոցով աշխատակիցները ծառայություններ են մատուցում վերջնական վերահսկող մայր ընկերության կողմից թողարկված բաժնային գործիքների դիմաց (բաժնետոմսով մարվող գործարքներ):

*Բաժնետոմսով մարվող գործարքներ*

Բաժնետոմսով մարվող գործարքների արժեքը որոշվում է իրական արժեքով այն ամսաթվի դրությամբ, երբ դրամաշնորհը տրամադրվում է համապատասխան գնահատման մոդելի կիրառմամբ, որի հետագա մանրամասները տրված են ծանոթագրություն 17-ում:

Այդ ծախսումը ճանաչվում է աշխատակիցների հատուցումների ծախսերում (ծանոթագրություն 14 և 17), սեփական կապիտալի համապատասխան աճի հետ միասին (լրացուցիչ վճարված կապիտալ) այն ժամանակաշրջանի ընթացքում, որում կատարվել են ծառայությունը և, անհրաժեշտության դեպքում, կատարման պայմանները (սեփականության իրավունքի ժամկետ): Յուրաքանչյուր հաշվետու ամսաթվին մինչև ներդրման ամսաթիվը սեփական կապիտալով մարվող գործարքների համար ճանաչված կուտակային ծախսը արտացոլում է ներդրման ժամկետի ավարտի չափը և Խմբի լավագույն գնահատականը բաժնային գործիքների քանակի վերաբերյալ, որոնք, ի վերջո, կներդրվեն: Ժամանակաշրջանի համապարփակ ֆինանսական արդյունքների մասին հաշվետվությունում ծախսը կամ վարկը ներկայացնում է այդ ժամանակաշրջանի սկզբում և վերջում ճանաչված կուտակային ծախսերի շարժումը:

Սպասարկման և ոչ շուկայական կատարողականի պայմանները հաշվի չեն առնվում պարգևների շնորհման ամսաթվի իրական արժեքը որոշելիս, սակայն պայմանների բավարարման հավանականությունը գնահատվում է որպես Խմբի լավագույն գնահատականը բաժնային գործիքների քանակի վերաբերյալ, որոնք ի վերջո կհատկացվեն: Շուկայական գործունեության պայմաններն արտացոլվում են շնորհման ամսաթվի իրական արժեքում: Պարգևին կից ցանկացած այլ պայման, բայց առանց դրա հետ կապված ծառայության պահանջի, համարվում են չտրամադրող պայմաններ: Չսեփականաշնորհելու պայմաններն արտացոլվում են շնորհման իրական արժեքում և հանգեցնում են շնորհման անհապաղ ծախսմանը, եթե չկան նաև սպասարկման և/կամ կատարման պայմաններ:



Ոչ մի ծախս չի ճանաչվում այն պարգևների համար, որոնք, ի վերջո, չեն հատկացվում, քանի որ ոչ շուկայական կատարողականը և/կամ սպասարկման պայմանները չեն պահպանվել: Այն դեպքում, երբ պարգևները ներառում են շուկայական կամ չներառման պայման, գործարքները համարվում են գրավադրված՝ անկախ նրանից, թե շուկայական կամ ոչ սեփականաշնորհման պայմանը բավարարված է, պայմանով, որ կատարման և/կամ սպասարկման բոլոր այլ պայմանները բավարարված են:

### 3.12 Պահուստներ

Պահուստը ճանաչվում է ֆինանսական վիճակի մասին հաշվետվությունում, երբ Խումբն ունի իրավական կամ կառուցողական պարտականություն՝ որպես անցյալ դեպքերի արդյունք, և եթե հավանական է, որ պարտականությունը մարելու նպատակով կպահանջվի տնտեսական օգուտների արտահոսք: Եթե դրա ազդեցությունը զգալի է, ապա պահուստը որոշվում է ապագա դրամական արտահոսքերի գեղջման միջոցով՝ օգտագործելով մինչև հարկումը տոկոսադրույքը, որն արտացոլում է դրամի ժամանակային արժեքի վերաբերյալ շուկայի ընթացիկ գնահատումները և, կիրառելիության դեպքում, պարտավորությանը վերագրվող յուրահատուկ ռիսկերը:

### 3.13 Շահութահարկ

Շահութահարկը ներառում է ընթացիկ և հետաձգված հարկերը: Ընթացիկ շահութահարկը տարվա համար հարկվող շահույթից վճարվելիք հարկն է՝ հաշվետու ամսաթվին գործող կամ ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և շահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար: Հետաձգված հարկային ակտիվները պետք է ճանաչվեն բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը: Այսպիսի հետաձգված հարկային ակտիվներն ու պարտավորությունները չեն ճանաչվում, եթե ժամանակավոր տարբերությունն առաջանում է գույքիլի սկզբնական ճանաչումից կամ այլ ակտիվների և պարտավորությունների սկզբնական ճանաչումից այնպիսի գործարքում, որը գործարքի պահին չի ազդում ո՛չ հաշվապահական շահույթի, ո՛չ էլ հարկվող շահույթի վրա (բացի ձեռնարկատիրական գործունեության միավորումներից):

Հետաձգված հարկային ակտիվներն ու պարտավորությունները չափվում են հարկերի այն դրույքների օգտագործմամբ, որոնց կիրառման մեջ լինելն ակնկալվում է ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային հարաբերություններ կարգավորող նորմատիվ իրավական ակտերը), որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջում: Հետաձգված հարկային պարտավորությունների և հետաձգված հարկային ակտիվների չափումն արտացոլում է հարկային հետևանքները, որոնք երևան են գալու կախված այն եղանակից, որով Խումբը հաշվետու ամսաթվի դրությամբ ակնկալում է փոխհատուցել կամ մարել իր ակտիվների կամ պարտավորությունների հաշվեկշռային արժեքները:



### 3.14 Հատուցումներ աշխատակիցներին

Կարճաժամկետ հատուցումներն աշխատակիցներին այն հատուցումներն են, որոնք ենթակա են մարման ամբողջությամբ տարեկան այն հաշվետու ժամանակաշրջանի ավարտից հետո տասներկու ամսվա ընթացքում, որում աշխատակիցները մատուցել են համապատասխան ծառայությունները: Դրանք ներառում են՝

- (ա) աշխատավարձերը և պարգևավճարները,
- (բ) վճարովի տարեկան արձակուրդները և անաշխատունակության հետ կապված վճարովի արձակուրդները.

Երբ աշխատակիցները հաշվետու ժամանակաշրջանի ընթացքում Խմբին մատուցում են ծառայություններ, Խումբն աշխատակիցների կարճաժամկետ հատուցումների չգեղջված գումարը, որն ակնկալվում է վճարել այդ ծառայությունների դիմաց, ճանաչում է՝

- (ա) որպես պարտավորություն (հաշվեգրված ծախս)՝ արդեն վճարված ցանկացած գումար հանելուց հետո: Եթե արդեն վճարված գումարը գերազանցում է հատուցումների չգեղջված գումարը, Խումբը պետք է ճանաչի այդ տարբերությունը որպես ակտիվ (կանխավճարված ծախս)՝ այն չափով, որով կանխավճարը կհանգեցնի ապագա վճարումների կրճատման կամ դրամական միջոցների վերադարձի,
- (բ) որպես ծախս, եթե գումարը չի ներառվել այլ ակտիվի արժեքի մեջ:

#### *Վճարովի բացակայություններ*

Վճարովի բացակայությունների ձևով աշխատակիցների կարճաժամկետ հատուցումների գծով ակնկալվող ծախսումները ճանաչվում են հետևյալ կերպ.

- (ա) կուտակվող վճարովի բացակայությունների դեպքում՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքներն ապագա վճարովի բացակայությունների նկատմամբ,
- (բ) չկուտակվող վճարովի բացակայությունների դեպքում՝ այն ժամանակ, երբ բացակայությունը տեղի է ունենում:

#### *Պարգևավճարներ*

Պարգևավճարների գծով ակնկալվող ծախսումները ճանաչվում են միայն այն ժամանակ, երբ Խումբն ունի այդպիսի վճարումներ կատարելու ներկա իրավական կամ կառուցողական պարտականություն՝ որպես անցյալ դեպքերի արդյունք, և պարտականությունը հնարավոր է արժանահավատորեն գնահատել:

Ներկա պարտականություն գոյություն ունի այն և միայն այն դեպքում, երբ Խումբը վճարում չկատարելու ոչ մի իրատեսական այլընտրանք չունի:

### 3.15 Հասույթ

Խմբի հիմնական գործունեությունը հետազոտման և մշակման ծառայությունների մատուցումն է իր միակ հաճախորդին՝ ՊիկսԱրտ Բնք.-ին, որը Խմբի մայր ընկերությունն է:

#### *Պայմանագրային մնացորդներ*

##### *Պայմանագրային ակտիվներ*

Պայմանագրային ակտիվը հաճախորդին փոխանցված ապրանքների կամ ծառայությունների դիմաց հատուցման իրավունքն է: Եթե Խումբը փոխանցում է ապրանքներ կամ ծառայություններ հաճախորդին մինչև հաճախորդի հատուցումը կատարելը կամ մինչև վճարման ժամկետը, պայմանագրային ակտիվը ճանաչվում է վաստակած հատուցման



դիմաց, որը պայմանական է: Խումբը չունի պայմանագրային որևէ ակտիվ, քանի որ կատարումը, և հատուցման իրավունքը տեղի է ունենում կարճ ժամանակահատվածում, և հատուցման բոլոր իրավունքները անվերապահ են:

*Առևտրային դեբիտորական պարտքեր*

Դեբիտորական պարտքը ներկայացնում է փոխհատուցման գումարի Խմբի իրավունքը, որն անվերապահ է (այսինքն՝ պահանջվում է միայն ժամանակ մինչև հատուցման ժամկետը):

*Պայմանագրային պարտավորություններ*

Պայմանագրային պարտավորությունն այն ապրանքները կամ ծառայությունները հաճախորդին փոխանցելու պարտավորությունն է, որի համար Խումբը հաճախորդից ստացել է հատուցում (կամ վճարվել է հատուցման գումար): Եթե հաճախորդը վճարում է նախքան Խմբի կողմից հաճախորդին ապրանքներ կամ ծառայություններ փոխանցելը, ապա պայմանագրային պարտավորությունը ճանաչվում է վճարումը կատարելիս կամ վճարման ժամկետի ավարտին (որն ավելի վաղ է): Պայմանագրային պարտավորությունները ճանաչվում են որպես հասույթ, երբ Խումբը կատարում է պայմանագրով նախատեսված պարտավորությունները:

#### 4 Հիմնական միջոցներ

Հազար դրամ

|                                  | Հոդ     | Համակարգիչներ և<br>հաղորդակցման<br>սարքավորումներ | Արտադրա-<br>տնտեսական<br>գույք և այլ | Շենքեր և<br>վարձակալված<br>տարածքների<br>բարելավում | Օգտագործման<br>իրավունքի ձևով<br>ակտիվներ | Անավարտ<br>շինարա-<br>րություն | Ընդամենը  |
|----------------------------------|---------|---------------------------------------------------|--------------------------------------|-----------------------------------------------------|-------------------------------------------|--------------------------------|-----------|
| <i>Սկզբնական արժեք</i>           |         |                                                   |                                      |                                                     |                                           |                                |           |
| 2021թ. հունվարի 1-ի դրությամբ    | -       | 1,236,202                                         | 306,436                              | 46,908                                              | 444,576                                   | -                              | 2,034,122 |
| Ավելացում                        | 206,717 | 520,906                                           | 174,602                              | 32,931                                              | 2,018,844                                 | 37,243                         | 2,991,243 |
| Օտարում                          | -       | (49,284)                                          | (22,909)                             | -                                                   | -                                         | -                              | (72,193)  |
| Ներքին շարժ                      | -       | -                                                 | -                                    | 26,883                                              | -                                         | (26,883)                       | -         |
| 2021թ. դեկտեմբերի 31-ի դրությամբ | 206,717 | 1,707,824                                         | 458,129                              | 106,722                                             | 2,463,420                                 | 10,360                         | 4,953,172 |
| Ավելացում                        | 20,832  | 377,801                                           | 223,062                              | 43,086                                              | -                                         | 113,396                        | 778,177   |
| Օտարում                          | -       | (72,667)                                          | (2,865)                              | (130)                                               | -                                         | -                              | (75,662)  |
| Ներքին շարժ                      | -       | -                                                 | 40,512                               | 58,951                                              | -                                         | (99,463)                       | -         |
| 2022թ. դեկտեմբերի 31-ի դրությամբ | 227,549 | 2,012,958                                         | 718,838                              | 208,629                                             | 2,463,420                                 | 24,293                         | 5,655,687 |
| <i>Կուտակված մաշվածություն</i>   |         |                                                   |                                      |                                                     |                                           |                                |           |
| 2021թ. հունվարի 1-ի դրությամբ    | -       | 958,407                                           | 164,480                              | 46,738                                              | 444,576                                   | -                              | 1,614,201 |
| Տարվա հաշվարկ                    | -       | 562,321                                           | 53,436                               | 176                                                 | 426,250                                   | -                              | 1,042,183 |
| Օտարման հետևանքով դուրսգրում     | -       | (48,702)                                          | (16,491)                             | -                                                   | -                                         | -                              | (65,193)  |
| 2021թ. դեկտեմբերի 31-ի դրությամբ | -       | 1,472,026                                         | 201,425                              | 46,914                                              | 870,826                                   | -                              | 2,591,191 |
| Տարվա հաշվարկ                    | -       | 464,787                                           | 78,925                               | 1,555                                               | 367,101                                   | -                              | 912,368   |
| Օտարման հետևանքով դուրսգրում     | -       | (72,046)                                          | (1,371)                              | (8)                                                 | -                                         | -                              | (73,425)  |
| 2022թ. դեկտեմբերի 31-ի դրությամբ | -       | 1,864,767                                         | 278,979                              | 48,461                                              | 1,237,927                                 | -                              | 3,430,134 |
| <i>Հաշվեկշռային արժեք</i>        |         |                                                   |                                      |                                                     |                                           |                                |           |
| 2021թ. դեկտեմբերի 31-ի դրությամբ | 206,717 | 235,798                                           | 256,704                              | 59,808                                              | 1,592,594                                 | 10,360                         | 2,361,981 |
| 2022թ. դեկտեմբերի 31-ի դրությամբ | 227,549 | 148,191                                           | 439,859                              | 160,168                                             | 1,225,493                                 | 24,293                         | 2,225,553 |

2022թ. դեկտեմբերի 31-ի դրությամբ ամբողջությամբ մաշված հիմնական միջոցների արժեքը կազմում է 1,748,758 հազար դրամ (2021թ. դեկտեմբերի 31-ի դրությամբ՝ 1,339,854 հազար դրամ):



## 5 Հետաձգված հարկեր

Հետաձգված հարկերի շարժը ներկայացված է ստորև.

Հազար դրամ

|                                                              | 2022թ.  | 2021թ.  |
|--------------------------------------------------------------|---------|---------|
| Տարեսկզբի մնացորդ                                            | 283,979 | 180,041 |
| Կրեդիտավորված շահույթին կամ վնասին (տե՛ս ծանոթագրություն 16) | 64,288  | 103,938 |
| Տարեվերջի մնացորդ                                            | 348,267 | 283,979 |

2022թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

Հազար դրամ

|                                    | 1<br>հունվարի<br>2022թ. | Շահույթում<br>կամ<br>վնասում<br>ճանաչված | 31<br>դեկտեմբերի<br>2022թ. |
|------------------------------------|-------------------------|------------------------------------------|----------------------------|
| <i>Հետաձգված հարկային ակտիվներ</i> |                         |                                          |                            |
| Հիմնական միջոցներ                  | 9,162                   | (1,760)                                  | 7,402                      |
| Առևտրային դեբիտորական պարտքեր      | 270,839                 | 48,120                                   | 318,959                    |
| Կուտակված հարկային վնաս            | 3,978                   | 17,928                                   | 21,906                     |
|                                    | 283,979                 | 64,288                                   | 348,267                    |

2021թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

Հազար դրամ

|                                        | 1<br>հունվարի<br>2021թ. | Շահույթում<br>կամ<br>վնասում<br>ճանաչված | 31<br>դեկտեմբերի<br>2021թ. |
|----------------------------------------|-------------------------|------------------------------------------|----------------------------|
| <i>Հետաձգված հարկային ակտիվներ</i>     |                         |                                          |                            |
| Հիմնական միջոցներ                      | 10,644                  | (1,482)                                  | 9,162                      |
| Առևտրային դեբիտորական պարտքեր          | 169,397                 | 101,442                                  | 270,839                    |
| Վարձակալության գծով<br>պարտավորություն | -                       | 3,978                                    | 3,978                      |
|                                        | 180,041                 | 103,938                                  | 283,979                    |

Հետաձգված հարկային ակտիվները ճանաչվում են այնքանով, որքանով հավանական է, որ հասանելի կլինի հարկվող շահույթը, որի դիմաց կարող են օգտագործվել նվազեցվող ժամանակավոր տարբերությունները և չօգտագործված հարկային փոխհատուցումներն ու չօգտագործված հարկային վնասները: Խումբը գնահատել է, որ այն կստեղծի բավարար հարկվող շահույթ, որի դիմաց կարող են օգտագործվել նվազեցվող ժամանակավոր տարբերությունները՝ 348,267 հազար դրամ (2021թ. դեկտեմբերի 31-ի դրությամբ՝ 283,979 հազար դրամ):

## 6 Առևտրային և այլ դեբիտորական պարտքեր

Առևտրային և այլ դեբիտորական պարտքերը ներկայացնում են ՊիկսԱրտ Ինք.-ից (վերջնական վերահսկող Մայր ընկերություն) ստացվելիք 4,550,874 հազար դրամը (2021թ. դեկտեմբերի 31-ի դրությամբ՝ 2,238,805 հազար դրամ)՝ հետազոտման և մշակման ծառայությունների մատուցման դիմաց և 7,685 հազար դրամ՝ այլ դեբիտորական պարտքեր (2021թ. դեկտեմբերի 31-ի դրությամբ՝ 31,758 հազար դրամ):

## 7 Ավանդներ բանկերում

Ֆինանսական հաստատություններից ստացված գումարները պահվում են 2022թ. դեկտեմբերի 31-ի դրությամբ B1 վարկանիշ ունեցող հայկական առևտրային բանկում՝ ԱՄՆ դոլարով և 2023թ.-ին մարման ժամկետով:

## 8 Մնացորդներ բանկերում

Հազար դրամ

|                               | 2022թ.<br>դեկտեմբերի<br>31-ի<br>դրությամբ | 2021թ.<br>դեկտեմբերի<br>31-ի<br>դրությամբ |
|-------------------------------|-------------------------------------------|-------------------------------------------|
| Բանկային հաշիվներ ԱՄՆ դոլարով | 17,759                                    | 415,816                                   |
| Բանկային հաշիվներ ՀՀ դրամով   | 274,259                                   | 96,784                                    |
| Բանկային հաշիվներ ռուբլով     | 466                                       | 2,034                                     |
|                               | <u>292,484</u>                            | <u>514,634</u>                            |

## 9 Կապիտալ և պահուստներ

### 9.1 Բաժնետիրական կապիտալ

Սովորական բաժնետոմսերի սեփականատերերն իրավունք ունեն ստանալու շահաբաժիններ, ինչպես ժամանակ առ ժամանակ հայտարարվում է, և Խմբի ժողովներում մեկ բաժնետոմսի մեկ ձայնի իրավունք ունեն:

### 9.2 Լրացուցիչ վճարված կապիտալ

Քանի որ ՊիկսԱրտ Ինք.-ը հատուցումներ է տրամադրում Պիկսարտ ՍՊԸ-ի աշխատակիցներին և մարում է իր սեփական կապիտալի հաշվին, Խումբը հաշվառում է այդ հատուցումները որպես սեփական կապիտալով մարված հատուցումներ՝ համապատասխանաբար մեծացնելով լրացուցիչ կապիտալը, որպես ՊիկսԱրտ Ինք.-ից ստացված հատուցում:

## 10 Վարձակալության գծով պարտավորություն

| Հազար դրամ                | 2022թ.           | 2021թ.           |
|---------------------------|------------------|------------------|
| Հունվարի 1-ի դրությամբ    | 1,731,290        | -                |
| Ավելացում                 | -                | 2,078,974        |
| Տոկոսի հաշվեգրում         | 132,330          | 185,928          |
| Վճարումներ                | (599,314)        | (533,612)        |
| Դեկտեմբերի 31-ի դրությամբ | <u>1,264,306</u> | <u>1,731,290</u> |



Խումբը կնքում է վարձակալական պայմանագրեր հիմնականում գրասենյակային տարածքների վարձակալության համար՝ 4.5 տարով երկարաձգման ժամկետով: Բացառությամբ կարճաժամկետ վարձակալությունների և փոքրարժեք ակտիվների վարձակալությունների՝ յուրաքանչյուր վարձակալություն արտացոլվել է ֆինանսական վիճակի մասին համախմբված հաշվետվությունում որպես օգտագործման իրավունքի ձևով ակտիվ (հիմնական միջոցների կազմում) և վարձակալության գծով պարտավորություն: Վարձակալության փոփոխուն վճարումները, որոնք կախված չեն ինդեքսից կամ դրույքից (ինչպիսիք են, օրինակ, Խմբի վաճառքների ծավալի հիման վրա հաշվարկվող վարձավճարները), բացառվում են վարձակալության գծով պարտավորության և ակտիվի սկզբնական չափումից: Խումբը դասակարգում է իր՝ օգտագործման իրավունքի ձևով ակտիվները սեփական հիմնական միջոցների դասակարգմանը համահունչ (տե՛ս ծանոթագրություն 4-ը):

*Վարձակալության գծով վճարներ, որոնք չեն ճանաչվում որպես պարտավորություն*

Խումբն ընտրել է կարճաժամկետ վարձակալությունների (12 ամիս կամ ավելի պակաս ակնկալվող ժամկետով) և փոքրարժեք ակտիվների վարձակալությունների հաշվառման համար չճանաչել վարձակալության գծով պարտավորություն: Նման վարձակալությունների համար կատարված վճարները ծախսագրվում են գծային հիմունքով: Ի լրումն, թույլատրելի չէ որոշակի փոփոխուն վարձավճարներ ճանաչել որպես վարձակալության գծով պարտավորություն, դրանք ծախսագրվում են իրականացման պահին: Կարճաժամկետ վարձակալության կամ փոքրարժեք ակտիվների վարձակալության ծախսերը 2022թ. կազմել են 44,328 հազար դրամ (2022թ.՝ 8,771 հազար դրամ):

## 11 Առևտրային և այլ կրեդիտորական պարտքեր

| Հազար դրամ                          | 2022թ.<br>դեկտեմբերի<br>31-ի<br>դրությամբ | 2021թ.<br>դեկտեմբերի<br>31-ի<br>դրությամբ |
|-------------------------------------|-------------------------------------------|-------------------------------------------|
| Առևտրային կրեդիտորական պարտքեր      | 107,501                                   | 297,765                                   |
| Կրեդիտորական պարտքեր աշխատակիցներին | 1,767,699                                 | 1,475,930                                 |
|                                     | <u>1,875,200</u>                          | <u>1,773,695</u>                          |

Առևտրային կրեդիտորական պարտքերի գծով տոկոսներ չեն հաշվարկվում: Խումբն ունի ֆինանսական ռիսկի կառավարման քաղաքականություններ, որոնք ապահովում են բոլոր պարտավորությունների ժամանակին կատարում:

Խմբի արտարժույթային ռիսկի մասին ավելի մանրամասն տեղեկատվություն ներկայացված է ծանոթագրություն 19-ում:

## 12 Փոխառություններ կապակցված կողմերից

Խումբը 2022թ.-ի ընթացքում ստացել է փոխառություն ՊիկսԱրտ Բնք.-ից՝ 1,194,863 հազար դրամ (3,000 հազար ԱՄՆ դոլար), տարեկան 1.3% միջին կշռված տոկոսադրույքով: Փոխառության պայմանագիրը նախատեսել է կողմերի միջև առկա փոխառության գծով պարտավորության և դեբիտորական պարտքի փոխմարում:

2023թ.ի փետրվարի 1-ին ՊիկսԱրտ Ինք.-ից ստացման ենթական դեբիտորական պարտքը և փոխառության գծով պարտավորությունը, ինչպես նաև հաշվեգրված տոկոսները փոխմարվել են 3,035 հազար ԱՄՆ դոլարին համարժեք 1,201,199 հազար դրամի չափով:

Տե՛ս ծանոթագրություն 19 (ա)՝ վարկերի և փոխառությունների արժույթների բացահայտման համար:

Ընկերության տոկոսային և արտարժույթային ռիսկերի մասին ավելի մանրամասն տեղեկատվություն ներկայացված է ծանոթագրություն 19 (ա)-ում:

### 13 Հասույթ հաճախորդների հետ պայմանագրերից

| Հազար դրամ                                                     | 2022թ.<br>դեկտեմբերի<br>31-ին<br>ավարտված<br>տարի | 2021թ.<br>դեկտեմբերի<br>31-ին<br>ավարտված<br>տարի |
|----------------------------------------------------------------|---------------------------------------------------|---------------------------------------------------|
| Հասույթ ծրագրային ապահովման մշակման<br>ծառայություններից (R&D) | 20,206,374                                        | 16,381,213                                        |
| Հասույթ ՊիկսԱրտ Ակադեմիայի գործունեությունից                   | 131,577                                           | 68,193                                            |
|                                                                | <u>20,337,951</u>                                 | <u>16,449,406</u>                                 |

Խմբի հիմնական գործունեությունն իր սեփականատեր ՊիկսԱրտ Ինք.-ին հետագոտման և մշակման ծառայությունների մատուցումն է: Հասույթի մեծ մասը վերագրվում է ՊիկսԱրտ Ինք.-ին մատուցվող ծառայություններին (տե՛ս ծանոթագրություն 22):

### 14 Աշխատավարձ և այլ հատուցումներ աշխատակիցներին

| Հազար դրամ                          | 2022թ.<br>դեկտեմբերի<br>31-ին<br>ավարտված<br>տարի | 2021թ.<br>դեկտեմբերի<br>31-ին<br>ավարտված<br>տարի |
|-------------------------------------|---------------------------------------------------|---------------------------------------------------|
| Աշխատավարձ և այլ վարձատրություններ  | 14,115,101                                        | 10,170,216                                        |
| Այլ հատուցումներ աշխատակիցներին     | 827,846                                           | 762,098                                           |
| Բաժնետոմսերի վրա հիմնված վճարումներ | 796,570                                           | 686,680                                           |
|                                     | <u>15,739,517</u>                                 | <u>11,618,994</u>                                 |

### 15 Վարչական և այլ գործառնական ծախսեր

| Հազար դրամ                   | 2022թ.<br>դեկտեմբերի<br>31-ին<br>ավարտված<br>տարի | 2021թ.<br>դեկտեմբերի<br>31-ին<br>ավարտված<br>տարի |
|------------------------------|---------------------------------------------------|---------------------------------------------------|
| Տաղանդների ներգրավման ծախսեր | 80,454                                            | 253,971                                           |
| Գործուղման ծախսեր            | 283,465                                           | 214,297                                           |
| Այլ                          | 312,856                                           | 453,145                                           |
|                              | <u>676,775</u>                                    | <u>921,413</u>                                    |



## 16 Շահութահարկի գծով ծախս

| Հազար դրամ                              | 2022թ.<br>դեկտեմբերի<br>31-ին<br>ավարտված<br>տարի | 2021թ.<br>դեկտեմբերի<br>31-ին<br>ավարտված<br>տարի |
|-----------------------------------------|---------------------------------------------------|---------------------------------------------------|
| Ընթացիկ հարկ                            | (331,715)                                         | (357,303)                                         |
| Հետաձգված հարկ (տե՛ս ծանոթագրություն 5) | 64,288                                            | 103,938                                           |
|                                         | <u>(267,427)</u>                                  | <u>(253,365)</u>                                  |

Արդյունավետ հարկային դրույքաչափի համադրումը ներկայացված է ստորև.

| Հազար դրամ                                        | 2022թ.<br>դեկտեմբերի<br>31-ին<br>ավարտված<br>տարի | Արդյունավետ<br>հարկային<br>դրույքաչափ<br>(%) | 2021թ.<br>դեկտեմբերի<br>31-ին<br>ավարտված<br>տարի | Արդյունավետ<br>հարկային<br>դրույքաչափ<br>(%) |
|---------------------------------------------------|---------------------------------------------------|----------------------------------------------|---------------------------------------------------|----------------------------------------------|
| Շահույթ մինչև<br>հարկումը (համաձայն<br>ՖՀՄՄ-ների) | 604,412                                           |                                              | 354,499                                           |                                              |
| Շահութահարկ՝ 18%<br>դրույքաչափով<br>(2021թ.՝ 18%) | 108,794                                           | 18.00                                        | 63,810                                            | 18.00                                        |
| Զնվազեցվող ծախսեր,<br>զուտ                        | (2,678)                                           | (0.44)                                       | 61,975                                            | 17.48                                        |
| Բաժնետոմսերի վրա<br>հիմնված վճարումներ            | 143,383                                           | 23.72                                        | 123,602                                           | 34.87                                        |
| Փոխանցված հարկային<br>վնասներ                     | 17,928                                            | 2.97                                         | 3,978                                             | 1.12                                         |
| Շահութահարկի գծով<br>ծախս                         | <u>267,427</u>                                    | <u>44.25</u>                                 | <u>253,365</u>                                    | <u>71.47</u>                                 |

## 17 Բաժնետոմսերի վրա հիմնված վճարումներ

*ՊիկսԱրտ Բնք. Բաժնետոմսերի ձեռքբերման պլան*

ՊիկսԱրտ Բնք.-ի բաժնետոմսերի ձեռքբերման պլանի համաձայն, ՊիկսԱրտ Բնք.-ն, իր հայեցողությամբ, կարող է բաժնետոմսերի օպցիոններ տրամադրել ՊիկսԱրտ ՍՊԸ-ի աշխատակիցներին: Բաժնետոմսերի ձեռքբերման պլանի համաձայն՝ օպցիոնի յուրաքանչյուր տրամադրում հաստատվում է օպցիոնի իրավատիրոջ և վերջնական վերահսկող Մայր ընկերության միջև կնքված բաժնետոմսերի օպցիոն համաձայնագրով: Բաժնետոմսերի օպցիոնի յուրաքանչյուր պայմանագրում նշվում է օպցիոնի իրագործման գինը և ամսաթիվը, երբ օպցիոնի բոլոր մասնաբաժինները դառնում են իրացվելի:

Տրամադրված բաժնետոմսերի օպցիոնների իրական արժեքը գնահատվում է շնորհման ամսաթվին՝ օգտագործելով Բլեք-Սքոլզի (Black-Scholes) մոդելը, հաշվի առնելով այն պայմանները, որոնցով տրվել են բաժնետոմսերի օպցիոնները:

*Շարժը տարվա ընթացքում*

Հետևյալ աղյուսակում ներկայացված է տարվա ընթացքում բաժնետոմսերի օպցիոնների քանակը և դրանց իրացման միջին կշռված գները (ԻՄԿԳ):

|                                       | 2022թ.    | 2022թ.<br>ԻՄԿԳ<br>(ԱՄՆ<br>դոլար) | 2021թ.    | 2021թ.<br>ԻՄԿԳ<br>(ԱՄՆ<br>դոլար) |
|---------------------------------------|-----------|----------------------------------|-----------|----------------------------------|
|                                       | Գումար    |                                  | Գումար    |                                  |
| Մնացորդը հունվարի 1-ի դրությամբ       | 1,078,876 | 11.18                            | 781,879   | 4.17                             |
| Տարվա ընթացքում շնորհված              | 762,800   | 4.60                             | 452,891   | 12.15                            |
| Տարվա ընթացքում հետ ստացված           | (20,825)  | 3.57                             | (9,668)   | 6.73                             |
| Տարվա ընթացքում իրացված               | 2,838,371 | 2.74                             | (146,226) | 6.25                             |
| Մնացորդը դեկտեմբերի 31-ի<br>դրությամբ | 4,659,222 | 3.69                             | 1,078,876 | 11.18                            |

Հետևյալ աղյուսակները թվարկում են համապատասխանաբար 2022 և 2021թթ. դեկտեմբերի 31-ին տարիների երեք պլանների համար օգտագործված մոդելների մուտքերը.

|                                                                   | 2022թ.     | 2021թ.     |
|-------------------------------------------------------------------|------------|------------|
| Չափման ամսաթվի դրությամբ միջին կշռված իրական<br>արժեք (ԱՄՆ դոլար) | 3.47       | 10.14      |
| Ակնկալվող փոփոխություն (%)                                        | 67%        | 63%        |
| Առանց ռիսկի տոկոսադրույք (%)                                      | 3.256%     | 1.095%     |
| Օգտագործված մոդել                                                 | Բլեք-Սքուդ | Բլեք-Սքուդ |

## 18 Ֆինանսական գործիքներ

### 18.1 Ֆինանսական գործիքների կատեգորիաները

Ֆինանսական ակտիվների և պարտավորությունների հաշվեկշռային արժեքներն ըստ կատեգորիաների ներկայացված են ստորև.

*Ֆինանսական ակտիվներ*

| Հազար դրամ                                                 | 2022թ.<br>դեկտեմբերի<br>31-ի<br>դրությամբ | 2021թ.<br>դեկտեմբերի<br>31-ի<br>դրությամբ |
|------------------------------------------------------------|-------------------------------------------|-------------------------------------------|
| <i>Ամորտիզացված արժեքով չափվող ֆինանսական<br/>ակտիվներ</i> |                                           |                                           |
| Առևտրային և այլ դեբիտորական պարտքեր                        | 4,558,559                                 | 2,270,563                                 |
| Այլ ընթացիկ ակտիվներ                                       | 72,979                                    | 52,541                                    |
| Ավանդներ բանկերում                                         | 346,235                                   | 404,476                                   |
| Մնացորդներ դրամարկղում և բանկերում                         | 292,484                                   | 514,634                                   |
| Ընդամենը ֆինանսական ակտիվներ                               | 5,270,257                                 | 3,242,214                                 |



### Ֆինանսական պարտավորություններ

Հազար դրամ

|                                                                  | 2022թ.<br>դեկտեմբերի<br>31-ի<br>դրությամբ | 2021թ.<br>դեկտեմբերի<br>31-ի<br>դրությամբ |
|------------------------------------------------------------------|-------------------------------------------|-------------------------------------------|
| <i>Անորտիզացված արժեքով պահվող ֆինանսական պարտավորություններ</i> |                                           |                                           |
| Առևտրային և այլ կրեդիտորական պարտքեր                             | 1,875,200                                 | 1,773,695                                 |
| Վարձակալության գծով պարտավորություն                              | 1,264,306                                 | 1,731,290                                 |
| Ստացված փոխառություններ                                          | 1,205,468                                 | 10,700                                    |
|                                                                  | 4,344,974                                 | 3,515,685                                 |

### 19 Ֆինանսական ռիսկի կառավարման ուղղություններ

Ֆինանսական գործիքների հետ կապված՝ Խումբը ենթարկվում է զանազան ռիսկերի: Այս ռիսկերն են շուկայական ռիսկը, պարտքային ռիսկը և իրացվելիության ռիսկը:

#### Ֆինանսական ռիսկի գործոններ

##### ա) Շուկայական ռիսկ

Շուկայական ռիսկը այն ռիսկն է, երբ ֆինանսական գործիքի իրական արժեքը կամ ապագա դրամական հոսքերը տատանվում են շուկայական գների փոփոխության պատճառով: Շուկայական ռիսկը ներառում է երեք տեսակի ռիսկ՝ տոկոսադրույքային ռիսկ, արտարժույթային ռիսկ և այլ գնային ռիսկ, ինչպիսիք են սեփական կապիտալի գնի ռիսկը և ապրանքների ռիսկը:

Խումբը չի ենթարկվում տոկոսադրույքային ռիսկի, քանի որ այն չի տիրապետում լոգացող տոկոսադրույքներով ֆինանսական գործիքների: Խումբը գործառնություններ չունի բաժնային գործիքների և ապրանքների հետ և ենթարկված չէ սեփական կապիտալի գնի և ապրանքների գնի ռիսկերին:

Արտարժույթային ռիսկն այն ռիսկն է, որ իրական արժեքը կամ ապագա դրամական հոսքերը կարող են տատանվել արտարժույթի փոխարժեքների փոփոխության պատճառով:

##### Արտարժույթային ռիսկ

Խումբը գործարքներ է իրականացնում արտարժույթով և, հետևաբար, ենթարկվում է արտարժույթի փոխարժեքային տատանումների ազդեցությանը:

Արտարժույթով արտահայտված ֆինանսական ակտիվներն ու պարտավորությունները, որոնք Խմբին ենթարկվում են արտարժույթային ռիսկի, նկարագրված են ստորև: Արտացոլված գումարներն իրենցից ներկայացնում են հիմնական ղեկավար անձնակազմին տրամադրված տվյալները, որոնք արտահայտված են հայկական դրամով՝ հաշվետու ժամանակաշրջանի վերջի ամսաթվի փոխարժեքով:

Հոդված

2022թ. դեկտեմբերի 31-ի դրությամբ

ԱՄՆ դոլար

Ռուսական  
ռուբլի

*Ֆինանսական ակտիվներ*

Բանկային ավանդներ

346,235

-

Մնացորդներ դրամարկղում և բանկերում

17,759

466

363,994

466

*Ֆինանսական պարտավորություններ*

Առևտրային և այլ կրեդիտորական պարտքեր

-

37,561

Վարձակալության գծով պարտավորություններ

49,440

-

49,440

37,561

Զուտ արդյունք

314,554

(37,095)

Հոդված

2021թ. դեկտեմբերի 31-ի դրությամբ

ԱՄՆ դոլար

Ռուսական  
ռուբլի

*Ֆինանսական ակտիվներ*

Բանկային ավանդներ

404,476

-

Մնացորդներ դրամարկղում և բանկերում

415,816

2,034

820,292

2,034

*Ֆինանսական պարտավորություններ*

Առևտրային և այլ կրեդիտորական պարտքեր

-

192,620

Վարձակալական պարտավորություններ

60,130

-

60,130

192,620

Զուտ արդյունք

760,162

(190,586)

Ստորև բերված աղյուսակում ներկայացված է Խմբի զգայունությունը՝ ԱՄՆ դոլարի և ռուսական ռուբլու նկատմամբ դրամի 10% (2021թ.՝ 5%) աճին/նվազմանը: 10%-ը (2021թ.՝ 5%) ղեկավարության կողմից գնահատված փոխարժեքի հավանական փոփոխությունն է: Զգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում է դրանց փոխարկումը՝ փոփոխելով փոխարժեքը 10%-ով (2021թ.՝ 5%):

Դրամի արժևորումը/(արժեզրկումը) ԱՄՆ դոլարի և ռուսական ռուբլու նկատմամբ 10%-ով (2021թ.՝ 5%) կունենա հետևյալ ազդեցությունը:

Հազար դրամ

ԱՄՆ դոլարի ազդեցություն

Ռուսական ռուբլու ազդեցություն

2022թ.

2021թ.

2022թ.

2021թ.

Շահույթ կամ վնաս

31,455

76,016

(3,709)

(19,059)



Արտարժույթի փոխարժեքի տատանման ազդեցությունը տարվա ընթացքում փոփոխվում է՝ կախված արտերկրյա գործարքների ծավալից: Այդուհանդերձ, վերը ներկայացված վերլուծությունը կարելի է համարել Խմբի՝ արտարժույթային ռիսկին ենթարկվածության արտացոլումը:

*բ) Պարտքային ռիսկ*

Պարտքային ռիսկն այն ռիսկն է, երբ Խումբը կարող է կրել ֆինանսական կորուստներ՝ երրորդ կողմի կողմից Խմբի նկատմամբ իրենց պարտավորությունները չկատարելու հետևանքով: Պարտքային ռիսկն առաջանում է բանկերում պահվող միջոցներից, առևտրային և այլ դեբիտորական պարտքերից: Տարեվերջի դրությամբ առկա առևտրային դեբիտորական պարտքը վերաբերում է Մայր ընկերությանը, և հնարավոր չհավաքագրման ռիսկը գնահատվում է ցածր:

Պարտքային ռիսկն առաջանում է նաև դրամական միջոցներից և դրանց համարժեքներից և բանկերում ավանդներից: Խումբն իր միջոցները տեղաբաշխում է հայկական երկու խոշոր բանկերում:

*գ) Իրացվելիության ռիսկ*

Իրացվելիության ռիսկն այն ռիսկն է, որ Խումբն ի վիճակի չի լինի մարել իր պարտավորությունները:

Խումբը վարում է իրացվելիության կառավարման քաղաքականություն՝ դրամարկում և բանկային հաշիվներում պահելով բավարար միջոցներ, ինչպես նաև պահելով բարձր իրացվելիություն ունեցող ակտիվներ՝ գործառնական պարտավորությունները ժամանակին մարելու նպատակով:

Հետևյալ աղյուսակում ներկայացված է Խմբի ոչ ածանցյալ ֆինանսական պարտավորությունների գծով պայմանագրային մնացյալ մարման ժամկետները: Աղյուսակը պատրաստված է ֆինանսական պարտավորությունների չգեղչված դրամական միջոցների հոսքերի հիման վրա՝ հաշվի առնելով ամենավաղ ամսաթիվը, երբ Խումբը ստիպված կլինի մարել այդ պարտավորությունները: Աղյուսակը ներառում է տոկոսների և մայր գումարի գծով դրամական միջոցների հոսքերը:

| Հազար դրամ                             | 31 դեկտեմբեր 2022թ. |                  |                         |                    |
|----------------------------------------|---------------------|------------------|-------------------------|--------------------|
|                                        | Մինչև 3 ամիս        | 3-12 ամիս        | Ընդհանուր համախառն հոսք | Հաշվեկշռային արժեք |
| Առևտրային և այլ կրեդիտորական պարտքեր   | 1,875,200           | -                | 1,875,200               | 1,875,200          |
| Վարձակալության գծով պարտավորություններ | 49,440              | -                | 49,440                  | 1,264,306          |
| Ստացված փոխառություններ                | -                   | 1,205,468        | 1,205,468               | 1,205,468          |
|                                        | <u>1,924,640</u>    | <u>1,205,468</u> | <u>3,130,108</u>        | <u>4,344,974</u>   |

| Հազար դրամ                                 | 31 դեկտեմբեր 2021թ. |               |                               |                       |
|--------------------------------------------|---------------------|---------------|-------------------------------|-----------------------|
|                                            | Մինչև 3<br>ամիս     | 3-12 ամիս     | Ընդհանուր<br>համախառն<br>հոսք | Հաշվեկշռային<br>արժեք |
| Առևտրային և այլ<br>կրեդիտորական<br>պարտքեր | 1,773,695           | -             | 1,773,695                     | 1,773,695             |
| Վարձակալության գծով<br>պարտավորություններ  | 60,130              | -             | 60,130                        | 1,731,290             |
| Ստացված<br>փոխառություններ                 | -                   | 10,700        | 10,700                        | 10,700                |
|                                            | <u>1,833,825</u>    | <u>10,700</u> | <u>1,844,525</u>              | <u>3,515,685</u>      |

## 20 Ակտիվների արժեզրկում

### 20.1 Ֆինանսական գործիքների արժեզրկում

Անորոշ օգտակար ծառայության ժամկետ ունեցող ակտիվները ենթակա չեն ամորտիզացիայի և մաշվածության և ամեն տարի ստուգվում են արժեզրկման համար: Մաշվող ակտիվներն արժեզրկման համար վերանայվում են, երբ իրադարձությունները և հանգամանքների փոփոխությունները վկայում են այն մասին, որ դրանց հաշվեկշռային արժեքը կարող է չվերականգնվել: Արժեզրկման կորուստը ճանաչվում է այն գումարով, որով ակտիվի հաշվեկշռային արժեքը գերազանցում է փոխհատուցվող գումարը:

Փոխհատուցվող գումարը վաճառքի գույք գնից և օգտագործման արժեքից առավելագույնն է: Եթե ակտիվի կամ դրամաստեղծ միավորի փոխհատուցվող գումարն ավելի փոքր է նրա հաշվեկշռային արժեքից, ապա ակտիվի կամ դրամաստեղծ միավորի հաշվեկշռային արժեքը նվազեցվում է մինչև փոխհատուցվող գումարը: Արժեզրկումից կորուստներն անմիջապես ճանաչվում են որպես ծախս, բացառությամբ այն դեպքերի, երբ համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորուստը դիտվում է որպես վերագնահատումից արժեքի նվազում:

Երբ հետագայում արժեզրկումից կորուստը հակադարձվում է, ապա ակտիվի կամ դրամաստեղծ միավորի հաշվեկշռային արժեքը պետք է ավելացվի մինչև նրա փոխհատուցվող գումարը, բայց այնպես, որ ակտիվի ավելացված հաշվեկշռային արժեքը չգերազանցի այն հաշվեկշռային արժեքը, որը որոշված կլիներ, եթե նախորդ տարիներին այդ ակտիվի կամ դրամաստեղծ միավորի գծով արժեզրկումից կորուստներ ճանաչված չլինեին: Արժեզրկումից կորստի հակադարձումն անմիջապես ճանաչվում է որպես եկամուտ, բացառությամբ այն դեպքերի, երբ համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորստի ցանկացած հակադարձում դիտվում է որպես վերագնահատումից արժեքի աճ:

### 20.2 Ոչ ֆինանսական ակտիվների արժեզրկում

Անորոշ օգտակար ծառայության ժամկետ ունեցող ակտիվները չեն ամորտիզացվում կամ մաշվում և յուրաքանչյուր տարի ենթարկվում են արժեզրկման ստուգման: Մաշվող ակտիվներն արժեզրկման համար վերանայվում են, երբ իրադարձությունները և հանգամանքների փոփոխությունները վկայում են այն մասին, որ դրանց հաշվեկշռային արժեքը կարող է չվերականգնվել: Արժեզրկման կորուստը ճանաչվում է այն գումարով, որով ակտիվի հաշվեկշռային արժեքը գերազանցում է փոխհատուցվող գումարը:



Փոխհատուցվող գումարը վաճառքի գուտ գնից և օգտագործման արժեքից առավելագույնն է: Եթե ակտիվի կամ դրամաստեղծ միավորի փոխհատուցվող գումարն ավելի փոքր է նրա հաշվեկշռային արժեքից, ապա ակտիվի կամ դրամաստեղծ միավորի հաշվեկշռային արժեքը նվազեցվում է մինչև փոխհատուցվող գումարը: Արժեզրկումից կորուստներն անմիջապես ճանաչվում են որպես ծախս, բացառությամբ այն դեպքերի, երբ համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորուստը դիտվում է որպես վերագնահատումից արժեքի նվազում:

Երբ հետագայում արժեզրկումից կորուստը հակադարձվում է, ապա ակտիվի կամ դրամաստեղծ միավորի հաշվեկշռային արժեքը պետք է ավելացվի մինչև նրա փոխհատուցվող գումարը, բայց այնպես, որ ակտիվի ավելացված հաշվեկշռային արժեքը չգերազանցի այն հաշվեկշռային արժեքը, որը որոշված կլիներ, եթե նախորդ տարիներին այդ ակտիվի կամ դրամաստեղծ միավորի գծով արժեզրկումից կորուստներ ճանաչված չլինեին: Արժեզրկումից կորստի հակադարձումն անմիջապես ճանաչվում է որպես եկամուտ, բացառությամբ այն դեպքերի, երբ համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորստի ցանկացած հակադարձում դիտվում է որպես վերագնահատումից արժեքի աճ:

## 21 Հարկեր

Հայաստանի Հանրապետության հարկային օրենսդրությունը հաճախակի ենթարկվում է փոփոխությունների, ինչը որոշ դեպքերում մեկնաբանությունների կարիք է առաջացնում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են տուգանքներ և տույժեր առաջադրել:

Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել, և դրանց ազդեցությունը կարող է զգալի լինել:

## 22 Գուդվիլ

Դուստր ձեռնարկության ձեռքբերման ժամանակ գուդվիլի հաշվարկը ներկայացված է ստորև.

| Հազար դրամ                                                    | 2022թ.<br>դեկտեմբեր<br>ի<br>31-ին<br>ավարտված<br>տարի | 2021թ.<br>դեկտեմբեր<br>ի<br>31-ին<br>ավարտված<br>տարի |
|---------------------------------------------------------------|-------------------------------------------------------|-------------------------------------------------------|
| Դուստր ձեռնարկության ձեռքբերման համար վճարված հատուցում       | 24,769                                                | 24,769                                                |
| Հանած՝ ձեռքբերման ժամանակ դուստր ձեռնարկության գուտ ակտիվները | (2,328)                                               | (2,328)                                               |
| Հանած՝ արժեզրկումից ծախս                                      | (22,441)                                              | -                                                     |
|                                                               | -                                                     | 22,441                                                |

2022թ.-ի դեկտեմբերի 31-ի դրությամբ գուդվիլի արժեզրկման հայտանիշ են համարվել դուստր ընկերության ֆինանսական ցուցանիշները, մասնավորապես, այն, որ այդ ընկերության պարտավորությունները գերազանցել են նրա ակտիվները՝ 109,078 հազար դրամով (2021թ.՝ 15,996 հազար դրամ): Հետևաբար դեկավարության գնահատմամբ գուդվիլը հաշվետու ամսաթվի դրությամբ համարվում է ամբողջովին արժեզրկված:

## 23 Դուստր ընկերությունների ձեռքբերում

| Դուստր<br>ընկերությունների<br>ձեռքբերում | Հիմնական<br>գործունեություն             | Ձեռքբերման<br>ամսաթիվ | Ձեռքբերված<br>բաժնեմաս | Ձեռքբերման<br>ծախսեր |
|------------------------------------------|-----------------------------------------|-----------------------|------------------------|----------------------|
| 2022թ.                                   | Վերապատ-<br>րաստման<br>Քոդ Ըիփաբլիք ՍՊԸ | Օգոստոս<br>2021թ.     | 100%                   | 24,769               |

## 24 Կապակցված կողմեր

Խմբի կապակցված կողմերը ներառում են Մայր ընկերությունը, դուստր ընկերությունը, համատեղ ձեռնարկությունները և հիմնական ղեկավար անձնակազմը:

### 24.1 Վերահսկողություն

Խումբը վերահսկվում է Պիկասար ՍՊԸ-ի կողմից, որին պատկանում է Խմբի բաժնետոմսերի 100%-ը: Խմբի գլխավոր Մայր ընկերությունը Պիկասար Ինք.-ն է, որը գործունեություն է ծավալում Դելավեր նահանգի օրենսդրության հիման վրա, և որի գործունեության վայրն է Լենոքս պողոտա 429, Մայամի 33139, Միացյալ Նահանգներ, Միացյալ Նահանգներ և չի պատրաստում հրապարակվող ֆինանսական հաշվետվություններ:

### 24.2 Գործարքներ կապակցված կողմերի հետ

Հաշվետու տարվա ընթացքում Խմբի և իր կապակցված կողմերի միջև իրականացվել են հետևյալ գործարքները, և հաշվետու ամսաթվի դրությամբ մնացորդները հետևյալն են:

| Հազար դրամ                                                    | Տարի | Վաճառք<br>կապակցված<br>կողմերին | Ձեռքբերում | Կապակցված<br>կողմերի<br>պարտքեր | Պարտքեր<br>կապակցված<br>կողմերին |
|---------------------------------------------------------------|------|---------------------------------|------------|---------------------------------|----------------------------------|
| Վերջնական<br>վերահսկող Մայր<br>ընկերություն                   | 2021 | 16,443,637                      | -          | 2,238,805                       | -                                |
|                                                               | 2022 | 20,297,825                      | -          | 4,550,874                       | 1,194,863                        |
| Ընդհանուր<br>վերահսկողության<br>տակ գտնվող<br>ընկերություններ | 2021 | -                               | 2,160,543  | 80,370                          | 192,620                          |
|                                                               | 2022 | -                               | 2,109,045  | -                               | 33,882                           |

Մայր ընկերությունը ծառայության մատուցման պայմանագիր է կնքել «ՄիՎիժնՔրիեյթիվԼաբ» ՍՊԸ-ի (ընդհանուր վերահսկողության տակ գտնվող ընկերություն) հետ, որի հիման վրա վերջինս Մայր ընկերությանը տրամադրում է հետազոտման և մշակման ծառայություններ (ծրագրային ապահովման մշակում/վեբ հավելվածների ստեղծման ծառայություններ):



Մայր ընկերությունը ծառայության մատուցման պայմանագիր է կնքել իր վերջնական վերահսկող Մայր ընկերության ՊիկսԱրտ Ինք.-ի հետ, որի համաձայն Մայր ընկերությունը տրամադրում է հետազոտման և SS զարգացման և աջակցության ծառայություններ:

### 24.3 Գործարքներ ղեկավարության հետ

2022թ. դեկտեմբերի 31-ի դրությամբ և 2021թ. դեկտեմբերի 31-ի դրությամբ Խմբի ղեկավարությունը և նրանց անմիջական ազգականները Պիկսարտ Ակադեմիա ՄՊԸ-ի կանոնադրական կապիտալում մասնակցություն չունեն:

Հիմնական ղեկավար անձնակազմը ժամանակաշրջանի ընթացքում ստացել է հետևյալ վարձատրությունը, որը ներառված է «Աշխատավարձ և այլ հատուցումներ աշխատակիցներին» հոդվածում.

| Հազար դրամ                  | 2022թ.<br>դեկտեմբերի<br>31-ին<br>ավարտված<br>տարի | 2021թ.<br>դեկտեմբերի<br>31-ին<br>ավարտված<br>տարի |
|-----------------------------|---------------------------------------------------|---------------------------------------------------|
| Աշխատավարձ և պարգևատրումներ | 325,167                                           | 312,721                                           |
| Այլ հատուցումներ            | 190,236                                           | 184,184                                           |
|                             | <u>515,403</u>                                    | <u>496,905</u>                                    |